

CUL. Cur
Shel
DU
740
AE
W3
v. 739

Sandaun pablik sevan paulim ol meri refuji

DIPATMEN bilong Wes Sepik i saspensim 8-pela senia pablik sevan bilong em. Samting olsem 3-pela bilong ol i holim wok bilong namba wan asisten seketeri bilong dipatmen.

Ol opisa ya i kisim taim bihain long nem bilong ol i kamap long ripot bilong wok painimaut long ol pasin nogut i kamap namel long ol pablik sevan na ol meri long Black wara refuji kem. Dispela ol trabel i kamap las yia.

I gat 5-pela arapela pablik seven tu i gat nem bilong ol long ripot em Dipatmen bilong Personal Menesmen i bin mekim. Nem bilong wanpela nupela memba bilong provinsal gavman tu. Em i bin wanpela tu i stap pablik sevanlong taim dispela trabel i kamap.

Dipatmen bilong Wes Sepik i givim wanpela wik long ol opisa long tokaut sapos i tru ol i mekim dispela trabel o nogat.

Ol Foren Afeas long Vanimo i bin go pas long dispela wok painimaut. Ripot bilong ol i tok olsem ol pablik sevan i yusim ka bilong gavman bihain long taim bilong wok na go painim ol meri long kem bilong ol refuji.

Minista, Provinsal Afeas na Pablik Sevis i kisim dispela ripot pinis na ol bai tokaut long Palamen.

Primia bilong Sanduan Egebert Yalu i tok dispela em wanpela bikpela trabel. Olsem na em bai i no inap tokaut long nem bilong ol dispela lain man.

Arapela bikpela wok painimaut long olpela gavman bilong Sandaun i wok long go het.

Bikpela singaut kamap nau long bikpela mekim save i mas go long olpela provinsal gavman. Bikos ol i no yusim gut mani bilong ol pipel.

Baim wara long 50t

PLANTI ol pipel long Westen Hailans i wok long baim wara long 50t. Dispela kain pasin i kamap strong tru insait long Hagen taun.

Ripot i kam long Mt Hagen i tok, bikpela san i mekim na wara saplai i sot. Planti ol teng wara tu i drai. Olsem na ol man i laikim wara i save go kisim long ol wantok em i save kisim wara saplai long taun. Pe bilong dispela wara nau em 50t.

Sampela pipel long setelmen i wok long kisim wara bilong ol long ol baret Kum. Planti ol pipel i save kisim wara bilong ol long hap kapa bilong kisim liklik ren, tasol sapos nogat ol i save wokabaut i go long baret.

Ol wokman long Hagen taun na studen i save hatwok painim wara bilong waswas.

Planti ol setelmen long Hagen i no gat wara saplai. Olsem na wanpela setelmen




man i tokim Wantok olsem, "Liklik taim bai mi sting nau. Bikos i no gat wara bilong waswas ya."

Ol pipel i askim provinsal gavman long helpim kwik long wara saplai. Bikos ol i pret long sik taifoid i kamap sapos i no gat gutpela sindaun bilong ol pipel.

Sampela ol pipel i sindaun long blok long Avi, Kindeng,

Aviamp i komplem long kaikai na wara bilong ol i drai taim bikpela san i kamap.

Ol lain long blok klostu long tripela riva, Waghi, Tuman na Thoas i wok long pret long sik. Bikos dispela ol wara i save rausim ol pekpek bilong ol man. Olsem na ol tu i askim gavman long wokim wara saplai long dispela blok bilong ol.



• "Olaman! Kas ya, Robert James (lephan) i laik givim TKO long Willie Naro long raithan. Tasol Willie i sambai gut tru, saitim het i go long wansait, taitim gut tru olgeta rop long han na autim Robert. Dispela bikpela resis bilong ol boksa namel long ol lain bilong Lae na Rabaul i bin kamap long Rabaul long Sarere nait, 26 Ogas. Tim bilong Lae i bin strong na autim ol asples, 3-2. Moa stori long dispela i stap insait.- Poto Peter Lowenstein.



• Mosbi vs South Sydney



• Lukim 5 pes spot nius
• Ol memba paitim toktok long palamen - Lukim stori long pes 2
• PNG i amamas long stap insait long No 5 Ats Festival long Townsvil. Moa poto na stori pes 14 na 15



PINEAPPLE · CHOCOLATE · COCONUT

SWIT BISKET BILONG OLGETA FAMILI



PLUS

Ripot



GOROKA: Wanpela meri i bin dai bihain taim ol i sutim em long spia. Krismas bilong em inap long 60. Dispela trabel i bin kamap long Sarere moning long ples Asaroiufa insait long Isten Hailans provins. Nem bilong dispela meri em Mehuwo Aheno na em i bilong ples Asaroiufa.

Ripot i tok olsem ol bikman bilong ples i painim bodi bilong em namel long ples na ol i go ripot long plis. Bodi bilong em i stap nau long Goroka haus sik. Plis i no save yet long as bilong dai. Olsem na ol i mekim wok painimaut yet long dispela trabel.

RABAU: Ol plisman long Rabaul i holim pinis tupela man bihain long ol i mekim sampela stil pasin. Nem bilong dispela tupela man em William Murmur bilong ples Gasmata long Wes Nu Briten provins na Singut husat i kam long Ambunti eria insait long Is Sepik provins.

Ripot i tok olsem plis bin i holim Murmur taim em i laik stilim sampela samting bilong wanpela wokman bilong Rabaul provinsal gavman.

Na Singut em plis i holim em bikos em i stap tu long taim sampela raskol i hensapim wanpela ovasis man na ranawe wantaim ol samting bilong em i kos samting olsem K1,500. Dispela trabel i bin kamap long Malai taun long Rabaul.

HAGEN: Long Mande 22 Ogas, sampela stilman i go insait long wanpela fektori stua na ranawe wantaim ol samting em pe bilong ol moa long K1,000. Dispela trabel i bin kamap long Warawau Tea Estate ausait long Mt Hagen insait long Westen Hailans provins.

Ripot i tok olsem ol stilman i go insait bihain long ol i yusim ol plais long katim ol seyuriti waia. Na bihain ol i ranawe wantaim ol marasin na ol pam bilong spreim ol kopi na ol kain samting olsem.

Na long Kerebuk ausait long Hagen taun, tupela man i hensapim wanpela studen na ranawe wantaim ol samting bilong em. Dispela tupela man i bin yusim tamiok long mekim dispela trabel.

Ol plisman long Hagen i painimaut yet long dispela tupela trabel.

MOSBI: Long Fraide 26 Ogas long apin-un, 8-pela kalabusman i ranawe long Bomana Haus kalabus. Ol CIS opisa i kisim bek 6-pela tasol. Na nau em tupela tasol em ol plisman wantaim ol opisa bilong CIS i wok long painim nau.

Nem bilong tupela em Paul Mase husat i gat 20 krismas na Tokai Laiam husat i gat 22 krismas olgeta. Mase i bilong ples Vabukori ausait long Mosbi na Laiam i bilong Goilala distrik insait long Sentrel provins.

ARAWA: Long Sande 28 Ogas, wanpela man bilong Wes Sepik i bin dai taim wanpela ston i paitim em. Dispela samting i bin kamap long Sarere nait long Tenekau plantesen taim i go painim abus.

Ol plisman long Not Solomons provins i no save yet long husat i mekim dispela trabel. Olsem na nau ol i kwestenim ol wokman bilong plantesen wantaim ol pipel long ol ples klostu long Wakunai distrik long painimaut long dispela.

GOROKA: Ol plisman long Goroka i painimaut nau long moa long K29,000 em i bin lus long Fainens opis long Goroka insait long Isten Hailans provins.

Ripot i tok olsem dispela mani em ol i save kisim long ol kain kain gavman sas olsem registresen fi bilong ka, sot gan na ol kain samting olsem. Na dispela mani i bin lus long namel bilong mun Januери, 1987 na Jun bilong dispela yia.

Koki autim wanpela hevi bilong Pomio

POS na Telekomunikesen i no kamap olsem bisnis han bilong gavman. Em i kamap olsem wanpela praivet kampani.

Minista bilong Komyunikesen, Malipu Balakau i mekim dispela toktok bihain long Memba bilong Pomio, Alois Koki i askim long kamapim gutpela sevis bilong pos opis long eria bilong em.

Em i tok planti ol memba askim long wankain helpim bikos PTC i no bihain tru wok bilong em long bringim sevis i go long ol pipel.

Minista Balakau i tok em i askim pinis PTC Bot long traim senisim wok bilong ol na helpim ol rurel eria. Olgeta taim ol i wok long traim tingim ol pipel

long taun tasol. Tasol dispela i no wok. Em i tok bai em i askim dipatmen bilong em long yusim gut ol mani PTC i save kisim long ovasis. Na ol i ken yusim dispela mani long kamapim sevis long ol asples man.

Mista Koki i askim sapos PTC i gat plen long stretim Pos Opis long Pomio. Em i tok Pomio wanpela olupela stesin tru long taim bipo. Tasol no gat wan-

pela senis i kamap.

Em i askim Praim Minista husat i bilong Is Nu Briten tu long lukluk na stretim kwik hevi.

Memba bilong Pomio i tok nau i gat bikpela hevi tru long salim tok long taun na rural eria.

Em i askim sapos Minista Malipu Balakau long lukluk na stretim kwik hevi bilong ol Pomio.

DISPELA WIK LONG PALAMEN....

wantaim HENRY MORABANG




Ol Bogia laikim katres

NESENEL memba bilong Bogia, Tim Ward i askim Minista bilong Plis Mathias Ijape sapos ol man i gat laisens bilong gan i ken baim ol katres.

Mista Ward i mekim dispela toktok bihain long ol pipel long eria bilong em i askim sapos em inap helpim. Em i tok nau yet planti ol pipel i wari bikos ol wel pik i bagarapim ol bisnis bilong ol.

Em i tok i tru dispela tingting i no gutpela tasol gavman bai mekim wanem tru.



• Tim Ward

Bikos planti bilong ol dispela bisnis em

kopi, kakau na lain kokonas bilong ol.

Tasol Minista Ijape i tokim Ward olsem komisina tasol i gat pawa long oraitim ol dispela. Bikos nau yet planti man i baim katres na ol i no save yusim gut. Ol i save go na yusim long hensapim ol man na mekim ol stilpasin.

Em i tok i tru gavman i luksave long wari bilong ol pipel tasol dispela hevi bai i no inap pinis kwik.

Memba askim long haus pasindia

MINISTA bilong Woks Anthony Temu i tok plen bilong haus pasindia long Kavieng ples balus i stap yet. Kos bilong ol projek bai kamap em inap long K360,000

Mista Temu i mekim ol toktok bihain long em i bekim askim bilong Memba bilong Kavieng Gerard Sigulogo.

Memba tu i askim sapos dispela mani i stap yet aninit long Pablik Akauns Komiti. Na dispela em long kirapim ol kain wok projek insait long provins.

Tasol minista i tok dispela mani i stap yet. Olsem dipatmen bilong Woks bai go het long wokim dispela haus pasindia.

Pora stretim tok

MINISTA bilong Fainens i no gat pawa bilong autim Bot ov Darekta bilong PSA. Gavana bilong Sentral Benk na Rejistra tasol i gat pawa long mekim dispela wok.

Mista Paul Pora i bekim toktok bilong Memba bilong Bundi, Theodore Tuya. Em i askim sapos gavman bai mekim wanem samting ol man i paulim mani long ol PSA, POSF na NPF.

Minista i tok gavana bai toksave tasol long em. Tasol minista bai bihain tasol wanem kain ol samting em i mekim.

Dispela i no min olsem dairekta i paulim ol dispela mani. Wok bilong mani i no stret wantaim rekot olsem na ol dispela mani i stap long opis i mas pinis pastaim. Sapos olgeta samting stret, ol i ken statim gen wok bilong ol.

Nau yet em samting olsem K1.5 milien bilong Lon Sasaiti i lus. Dispela em mani bilong ol pablik sevans. Dispela ol lain bikman bilong Savings na Loan i no lukim gut mani.

Mista Pora i tok nau yet ol i makim bot ov dairekta. Ol bai lukautim long liklik taim inap olgeta arapela wok i stret.

Minista i tok dipatmen bilong em bai sekim tu ol arapela Saving grup tu olsem NPF na POSF. Bikos planti mani bilong ol pipel i lus long takis. Ol i baim tasol ol i no save kisim kwik mani taim ol i askim.

Plantil ol husat i save takis long NPF i save painim hat taim ol pinis long wok. Olsem na gavman bilong Rabbie Namaliu bai wok long traim stretim kwik na ol bai ken kisim gutpela sevis.

Sir Pita mekim nais liklik

SPIKA bilong Nesenel Palamen, Dennis Young i bin saspending lapun memba bilong Maprik, Sir Pita Lus long Palamen.


Sir Pita i bin mekim planti poin ov oda taim Lida bilong Oposisen Paias Wingti i laik toktok. Dispela asua i bin kamap long Fonde 25, Ogas.

Mista Young i tok aninit long Stending Oda 65, mi askim yu sapos yu mekim nais gen, bai mi rausim yu. Orait bihain Spika i askim Mista Wingti long gohet wantaim ol toktok bilong em.

Tasol Sir Pita i bikhet tru na Spika Dennis Young i autim em long Palamen. Na em i kirap na tokim spika olsem em bai no inap lusim Palamen.

Orait Sir Pita i mekim planti nais na kuskus bilong palamen i paitim belo. Taim belo i kra i pinis, Sir Pita i mekim nais yet orait spika i stapim Palamen.

Mista Young i tok em i gat bikpela sem



• Sir Pita Lus

tru long moning. Wok bilong spika em bikpela samting na hat tru.

"Nau mi autim Sir Pita long palamen na dispela i kamapim bikpela sem tru long mipela olgeta memba bilong palamen.

Tasol bihain Sir Pita i tok sori long dispela kain ol trabel i kamap long Palamen.

Em i tokim spika "yu wanpela tasol i gat pawa long rausim mi. Mi belhat bikos ol arapela memba i singaut long mi long go aut. Dispela i mekim kros tru.

Memba bilong Maprik i tok em tasol i taitim bun na ol ovasis man i go na yupela ol yangpela memba i laik autim em long Palamen.

Arapela samting tu ol memba i hatim bel em ol i askim Sir Pita Lus long go haus sik Laloki.

Em i tokim ol arapela memba olsem sapos em het longlong em bai no inap stap long Palamen.

Spika Dennis i tok amamas long Sir Pita Lus taim em i tok sori long sia.

Bilding Bot redi long rausim hostel

RANUGURI gavman hostel long Mosbi bai i pas aninit long lo bilong Bilding Bot Ek. Bikos dispela hostel i no gutpela tumas na i ol pipel husat i stap long en i ken kisim sik.

Planti samting insait long hostel i no gutpela. Na tu long taim bilong paia, nogat gutpela samting i stap klostu we ol i ken yusim hariap long sevim laip bilong ol pipel.

Planti wol, window, dua na ol kain samting olsem bilong hostel i bruk nabaut. Olsem na Bilding Bot i laik toksave nau i go long ol pipel husat i stap long dispela hostel long painim hariap nupela hap bilong stap. Bikos Bilding Bot wantaim Fos 10 Plis bai i brukim daun dispela hostel.

Long Me 1988, Bilding Bot i bin salim wanpela leta i go long hostel menesmen komiti na tokaut long sampela ol samting em i no stret long ai bilong ol. Hia em sampela bilong ol dispela samting;

• No gat samting bilong stapim paia hariap na sevim laip bilong ol pipel.

• No gat gutpela baret insait long eria bilong hostel long rausim ol wara em i save bulap olgeta taim. Dispela kain wara i ken mekim

planti pipel long kisim sik malaria.

• Wara i save pulap tu long hap bilong wasim klos na waswas. Olsem na dispela i bagarapim ol waia bilong lektrik pawa na ol wol bilong hostel.


• Planti man i save pulap long rum em wanpela man tasol i ken slip long en.

Siti Menesa Bill Skate i tok, "Bilding Bot i bin toksave pinis long hostel menesmen komiti long ol dispela samting. Na tu long brukim daun hostel sapos ol dispela senis i no kamap. Tasol hostel menesmen i laikim tripela mun long stretim dispela hostel.

Tripela mun i pinis na no gat wanpela senis i bin kamap. Olsem na Bilding Bot i autim las tingting bilong em i go nau long hostel menesmen na ol pipel husat i stap long hostel.

Man i go pas long ol gavman hostel menesmen sevis Noel Bukoya i tok olsem, em i no save olsem Bilding Bot bai i brukim daun hostel long narapela tupela wik. Bikos em i no kisim wanpela toksave long ol.

Dispela leta i no go yet long opis bilong em. Olsem na no gat wanpela gutpela senis i bin kamap long hostel yet. i go moa long pes 12



• Dispela foto i soim Ranuguri gavman hostel long Konedobu.

Wes Nu Briten gavman i paul yet

GAVMAN bilong Wes Nu Briten i tro moi moa long K1,854 long taim politikel pait i kamap namel long ol memba. Dispela mani em siting alauens bilong ol memba na tu ol kain kain liklik kibung.

Ripot long Kimbe i tok dispela pait i stap namel long deputi primia, Gabriel Bakani na primia Robert Lawrence.

Dispela ripot i tok taim primia Lawrence i stap 6-pela wik long opis em i autim 4-pela memba na deputi long wok bilong ol. Ol memba ya bilong Wes

Nu Briten Pipel Muvmen pati.

Bihain long Mista Lawrence i autim ol em i kam stap long Mosbi. Na em i makim Pius Sangumai olsem namba tu primia. Tasol long dispela taim, Gabriel Bakani i go tekova long Mista Sangumai na tokaut olsem em i

nupela namba tu primia.

Long taim mista Bakani tekova, em i tokim ol memba em primia i bin rausim long kam bek na mekim promis. Olgeta dispela samting i kamap taim primia yet i stap long Mosbi.

Na long dispela wik, planti toktok i kamap.

Ol asples pipel bilong Wes Nu Briten tu i paul. Ol i no klia gut husat i primia. Nau yet ol pipel i save olsem provins bilong ol i no gat gavman.

Planti toktok tu i bin kamap long pasin em Gabriel Bakani i mekim. Bikos dispela i abrusim tru mama lo bilong Wes Nu Briten

provins.

Long dispela wik Trinde, tripela lida bilong ol bikpela pati long Wes Nu Briten gavman, Pangu, MA na Pipel Muvmen i tingting longbung wantaim na kamapim gavman.

Ol i tripela lida, Robert Lawrence (Pangu), John Dako

(MA) na Gabriel Bakani (Wes Nu Briten Pipels Muvmen) i bin pasim toktok asde.

Ripot i kamap bihain long miting i tok, ol lida i laik kamapim strongpela gavman long bringim sevis i go long ol pipel. Nau ol i tingting long helpim gut ol pipel.



• Foto i soim Ekting Prinsipel bilong Kwinslen Koles bilong Arts, Bryan Kearns, PNG Konsal long Brisben, Henry Norries, Komisina-Jenerel bilong PNG long Wol Expo 88, Peter Colton na Artistik Darekta bilong Nesenel Arts Skul bilong PNG, Robert Lusk. Ol i amamas long soim sampela bilong ol wok bilong "Art Bilong Tude". Foto i kam long Australian Ovasis Infomesen Sévis.

Pablik Akauns skelim ol ripot

HENRY MORABANG i raitim

PABLIK Akauns Komiti bai skelim ripot bilong mani bilong 6-pela provinsal gavman. Na dispela ripot em bilong 1975. Ol dispela 6-pela provinsal gavman em Simbu, Milen Be, Enga, Saten Hailans, Nu Ailan na Oro.


Tupela provinsal gavman Simbu na Milen Be i givim ripot bilong ol pinis. Bikos ol i bin kamap long ai bilong komiti long Mas, 1988. Arapela tupela Oro na Saten Hailans i no givim bilong ol yet. Taim bilong ol i pinis long Trinde (Ogas 31). Nu Ailan na Enga i mas salim ful ripot bilong ol long dispela wik Fraide.

Seketeri bilong komiti P Sivernda i tokim Wantok olsem sapos ol dispela ripot i no kamapbai Pablik Odita Komiti i kisim samon

pepa na ol bai kamap long kot. Komiti tu i bin askim ol nesenel dipatmen olsem Fainens, Pesonal Menesmen, Provinsal Afeas na Oudita Jenerel bai kamap tu long taim bilong skelim ol dispela provinsal gavman.

Mista Sivernda i askim olgeta provinsal gavman long salim kwik ripot bilong ol. Komiti bai sindaun na skelim ol dispela wok painimaut long 4 Oktoba.

Pablik Akauns komiti bai bung long Konfrens Rum No 2 long Second Floor "B" Wing long Palamen Haus, Waigani long mun Oktoba. Na bai ol i skelim ripot bilong ol dispela provins long ol dispela de.





Mekim save nau

Klostu olgeta mun igat stori bilong ol bikman bilong kantri i kamapim sampela rong. Long taim ol dispela ripot i kamap, bai i gat wangepa komiti bilong "mekim wok painimaut" i kamap. Ol pipel i harim olsem bai ol i amamas na bilip olsem bai i gat kot bilong ol dispela bikman long taim komiti i pinisim wok bilong en..

Tasol planti taim nau yumi wok long lukim olsem ol dispela bikman i smat tru long abrusim lo. Ol i kisim ol klewa loya long helpim ol na pinisim kot. Mekim olsem na bihain bai ol i tok ol i winim kot pinis na tok i dai.

Dispela kain pasin i stap strong nau long PNG. Olsem na ol pipel i luksave pinis olsem i gat tupela kain lo i stap. wangepa bilong helpim ol bikman na narapela bilong ol grasrut manmeri.

Ating gavman i mas wekap nau na stretim dispela hevi. Ol pipel i les pinis bikos ol i no bilip moa long "ol komiti bilong mekim wok painimaut" long ol pekato bilong ol bikman. Bikipela taim na mani i lus nating . Mipela i laik harim nius bilong ol dispela bikman i kamap long ai bilong kot na kisim wankain mekimsave em ol man nating i save kisim long taim ol i mekim wankain trabel.



P.O. Box 1982, Boroko
Telepon: 25 2500
Teleks: NE 22213
Faks 252579

PE BILONG WANPELA YIA, 52 NIUSPEPA

Ples	Air	Surface
Port Moresby	K20	K20
PNG	K29	K29
Australia	K60	K39
New Zealand & Pacific	K78	K46
America & Europe	K118	K60

Printed and published by Anna Bernadette Solomon, of Bittern Place, Gordons, at Allotment 2, Section 209, Hohola.

Papa bilong graun givim tok lukaut

OL PAPA bilong graun we Bougainvil Kopa main i sindaun long en i askim gavman bilong Rabbie Namaliu long stretim wari bilong ol kwik.

Seketeri bilong Panguna Lendowner Asosiesen, Francis Ona i mekim dispela singaut bihain long gavman i abrusim taim taim ol i makim long bekim askim bilong ol.

Asosisen i bin givim gavman inap long pinis bilong mun Ogas. Tasol i no gat wangepa bekim olsem na ol i mekim dispela tok lukaut. Bikipela tok lukaut em ol papa bilong graun bai pasim olgeta wok bilong bilong kopa main.

Mista Ona i tok ol pipel i bihainim tok bilong gavman taim Minista bilong Minerals na Eneji, Patterson Lowa i askim ol long no ken pasim ol wok.

Em i tok "Mipela i amamas tru. Tasol taim mipela i lukim olsem Praim Minista i laik senisim em, taim na kros i kamap gen. Bikos dispela pasin bai pulim olgeta wok i go longpela taim tru."

Ol papa bilong graun tu i tokim Minista olsem ol i wet inap long 15 yia olgeta. Tasol i no gat wangepa samting i bin kamap long stretim wari bilong ol. Olsem na ol i amamas tru bikos Mista Lowa i soim olsem em bai helpim.

Tasol ol i tok sapos Mista Namaliu i

laik pilai wantaim mipela, ating em bai sori tumas.

Mista Ona i tok ol papa bilong graun i no laikim nupela minista i kamap na tok givim taim. Dispela kain toktok bai i no inap helpim tru kra i bilong ol pipel.

Ol pipel i askim Praim Minista long no ken senisim ol minista na mas traim go long mekim ol wok olsem ol bin promis long mekim.

Mista Lowa i tokaut olsem nupela polisi bilong gavman long wok bilong main, bai helpim tru ol pipel. Dispela helpim bai kamap long 4 Septemba sapos olgeta wok i stret.

Manus givim han

GAVANA Jenerel Sir Kingsford Dibela bai opim bikipela singaut bilong bungim mani na helpim Manus Haiskul. Paia i bin kukim tupela klasrum bilong haiskul long mun Ogas.

Man i go pas long mekim ol dispela wok, Wep Kanawi i tok ol i laik askim olgeta wokman bilong Manus insait long kantri long helpim dispela skul.

Em ol i tok ol asples man i mas namba wan lain long givim mani. Orait bihain dispela komiti bai askim ol ovasis gavman long helpim tu.

Em i tok komiti i wokim plen pinis long kirapim kain kain samting bilong kisim mani. Bai i gat danis, kalsa nait, piksa na planti ol arapela samting tu.

Mista Kanawi i tok ol bai statim dispela

progrem long Mosbi orait bihain bai i go long ol arapela provins.

Em i tok ol Manus student long Yunivesiti long Lae na Goroka i tingting long bungim K1000.

Na ol studen bilong Yunivesiti long Mosbi bai holim wokaton long dispela wik. Dispela em namba wan fan raising em ol lain long Mosbi yet i statim.

Sapos husat i laik helpim tu orait go long Westpac Benk longhap yu stap na givim mani na askim longdispela pasbuk namba. 77043813. Yu benkim mani na ol bai salim dispela mani i kam long Waigani, Mosbi.

Mista Kanawi i tok ol i ridim K160,000 long wokim nupela klasrum long Manus haiskul.

Pokawin amamas long helpim

PRIMIA bilong Manus Stephen Pokawin i amamas tru long sapot em Nesenel Gavman na Insurens kampani i givim long wokim gen ol klasrum paia i bin kukim.

Em i tok nesanel gavman bai givim K60,000. Na GRE insurens i givim K42,000. Hap mani bai go long saiens klasrum na arapela hap bai go long Edministretiv Bilding.

Primia i tok bai ol i mas painim samting olsem K160,000 long wokim ol nupela klasrum.

Em i sutim tok i go long Teknikel Sevis bilong Dipatmen bilong Manus long mekim wok bilong ol hariap. Wok bilong dispela tupela nupela klasrum bai stap long pinis bilong mun Septemba.

Mista Pokawin i tok amamas long Bomai Silas long askim olpela studen bilong Manus Haiskul long helpim skul.

Em i tok em bilip olsem ol arapela Manus pipel long



• Stephen Pokawin

kantri tu i wok long painim rot bilong bungim mani.

Primia i askim olgeta papamama na grup long sapotim dispela komiti long painim

man i bilong skul. Dispela singaut i kamap bihain long ol arapela lain husat i no save yusim het bilong ol i kukim dispela klasrum.

Brandi haiskul gat hevi nau

NOGAT wangepa skul insait long kantri bai inap long mekim wok bilong em sapos i no gat mani. Na dispela em i wangepa bikipela hevi tru em Brandi Haiskul insait long Wewak, Is Sepik Provins i wok long painim nau.

Brandi Haiskul i gat klostu samting olsem K45,000 i stap yet long skul fi bilong ol studen long dispela

skul. Dispela em i mak bilong mani em ol sampela studen long gret 7 i go inap long 10 i no stretim yet skul fi bilong ol.

Hetmasta bilong St Mary's Komyuniti Skul na wangepa memba bilong Bot, Augustine Sana i bin tokim Wantok olsem dispela ol lain studen em papa na mama i no stretim olgeta skul fi bilong ol pikinini bilong ol bai i no inap kamap long skul.

Tingting bilong

mekim olsem i bin kamap long namba tu Bot miting taim olgeta lain i bung i bin pasim toktok. Bot i bin pasim tok olsem wanem ol studen i no pinisim yet ol skul fi bilong ol bai i lusim skul long 31 Ogas na 1 Septemba.

"Ol bai i no inap long kamap bek long skul inap long taim papamama i stretim olgeta skul fi bilong ol. Bot na skul i bin givim pinis toksave long dispela kain samtingbai mipela i mekim long

i go moa long pes 12



San na ais givim taim long W. Hailans

BIKPELA san i wok long givim taim long sampela ples insait long Westen Hailans.

Na wanpela yut lida bilong provins i singaut long provinsal gavman i mas kisim wara saplai i go long ol pipel husat i stap long ol blok, Em i tok olsem ol pipel i sot long wara na ol inap

long painim kain kain sik long taim ol i kisim doti wara na dringim o kukim kaikia long en.

Dispela yut lida, Poropi Ali i tok olsem provinsal gavman i no mas wari tumas long bikpela san nau. Em i tok mobeta gavman i mas stretim ol rot bilong helpim ol pipel

long dispela kain hevi long bihaintaim. Bikos ol pipel husat i stap long ol blok nau i save saplaim ol kaikai i go long ol planti maket long Westen Hailans.

Planti ol buspaia tu i wok long bagarapim ol bus nau. Sampela taim paia i lait inap planti de tru na i

bagarapim ol diwai na enimal samting long bus.

Long taim draipela san i wok long bagarapim sampela ples insait long Westen Hailans, long hap bilong Tambul na Upper Kaguel ol pipel i wok long painim taim nau bikos ais i wok long bagarapim ol gaden.

Wanpela Kaunsila, Tapi Wapa i singaut long ol DPI opisa i go lukim ol dispela bagarap na givim ripot long Westen Hailans provinsal gavman nau long givim han. Em i tok olsem ais i bagarapim planti ol gaden na ol pipel bai klostu i painim taim long kisim kaikai.



Bikpela ai i pundaun na kaikai bilong ol dispela lain i bagarap. Dispela em ol poto Wantok i kisim bipo taim bikpela ais i bagarapim Hailans rijon

Soroptomist helpim ol meri kalabus

OL meri kalabus long Bomana ausait long Mosbi bai kisim helpim nau long wanpela grup bilong ol meri insait long siti. Dispela grup ol i kolim Soroptomist Intenesenal i bin go lukim ol kalabus meri long Sarere. Na ol i promis long helpim ol meri kalabus long kirapim sampela projek em inap long helpim ol long kisim liklik mani.

Jeneral seketeri bilong Soroptomist Intenesenal long Mosbi, Misis Budden Jinadaga i tok bai ol i helpim ol meri kalabus long ol kain projek olsem samap, gaden, kukim kaikai na ol i skulim ol tu long rit na wok bilong ol gel gaid.

Em i tok olsem long taim ol i lukluk raun long ples we ol meri kalabus i save stap, ol i lukim olsem ol mesin bilong samap i lapun tru na i no gat ples we ol meri i ken lainim pasin bilong kukim ol kaikai.

Bihain long dispela lukluk raun long Bomana haus kalabus, ol lain bilong Soroptomist Intenesenal i tok olsem bai ol i statim progrem bilong ol long Bomana na bihain bai ol i skruim i go long ol arapela haus kalabus tu.

Misis Vivian Richardson husat i wanpela tisa bai go pas long wok bilong skulim ol meri kalabus long rit. Sarere em i de we ol dispela meri bai raun i go long haus kalabus na helpim ol meri kalabus.

Wanpela bilong ol meri husat i kirapim Soroptomist Intenesenal long Mosbi, Ikinini Holloway i tok olsem em i gutpela long moa meri Papua Niugini i joinim dispela grup bilong ol na mekim wok bilong helpim ol arapela meri insait long komyuniti.

Em i tok i no gat planti meri i holim ol bikpela wok insait long kantri olsem na gutpela long ol meri i bung wantaim na pait long kirapim ol progrem em inap long helpim ol arapela meri.

Mausmeri bilong ol meri kalabus, Theresa Taiabu i tok tenkyu long ol Soroptomist. Em i tok dispela i namba wan taim wanpela grup bilong ol meri i go kamap long haus kalabus na i laik helpim ol kalabus meri. Em i tok bai ol i helpim Soroptomist long lukim olsem dispela progrem i kamap gut na i helpim tru ol meri insait long haus kalabus.

Em i tok olsem long taim wanpela kalabus i pinis bai ol lain bilong Bomana i kisim ol i go lusim ol tasol long Mosbi. Na man o meri ya bai painim ol wantok long helpim em i go bek long asples.

Theresa Taiabu i tok olsem long taim ol i kirapim ol projek na kisim mani bai ol i putim stap. Na long taim ol meri i pinis kalabus bai ol i yusim dispela mani long baim transpot i go bek long asples bilong ol.



Tupela boskru bilong HMAS Stalwart bilong Australia i helpim ol skul manki bilong Papitalai Haiskul. Bikpela sip bilong nevi i go sua na ol i helpim ol manki long stre-tim flai waia bilong haus slip bilong ol.

SKELIM TOK...

Josepha Namsu



LONG namba 8 de long mun Julai 1987, wanpela yangpela mama i kisim busnaip na i sutim na kilim indai pikinini meri bilong em, na bihain em i traim long kilim indai em yet tu.

Meri ya na man bilong em i bilong Isten Hailans Provins. Mama ya em i sik long longpela taim tru, na em i save askim man bilong em long kisim em i go long haus sik, tasol planti taim man bilong em i no save harim kraik bilong em.

Mama ya i gat liklik pikinini meri ol dokta i tok, krismas bilong em i 5-pela yia. Dispela pikinini i save dring susu yet.

Papa i wok leba long plantesin. Oltaim em i kisim pe, em i save baim bia na i no save givim mani long meri long baim kaikai na klos bilong famili.

Long de trabel i kamap, mama i sik. Em i pilim ai i raun na skin leg na han i kol na em i leg gurua. Mama i karim bebi na i go slip tasol, em i kirap gen i kam autsait na askim wanpela meri wantok bilong em long lukautim pikinini. Bebi i hangamap yet long susu na mama wantaim bebi i go bek insait long haus na slip. Mama i tok, tripela taim em i kirap tasol em i airaun na pundaun na bebi i hangamap yet long susu.

Taim mama i pilim olsem bai em i dai, em i kisim sarep na i sutim nek bilong bebi. Bebi i hangamap yet long susu. Ol dokta i tok, i gat mak 18 bilong sarep long nek bilong bebi.

Bihain long bebi i dai pinis, mama i kisim sarep na i traim long katim nek bilong em yet na em i katim tu sem bilong em.

Mama i tok, sapos sik i laik kilim em i dai, em i mas kisim laip bilong pikinini meri tu, nogut bai man bilong em i amamas long pikinini bilong em.

Dispela i wanpela sori stori tru tasol i no wanpela nupela stori. Long dispela stori, yumi luksave olsem meri i lusim ples bilong em na ol famili na wantok na bihainim man bilong em i go longwe long narapela ples.

Man bilong em i baim em pinis olsem na meri i mas bihainim man tasol.

Meri i lusim ples, na i go sindaun wantaim man bilong em long narapela ples. Meri i gat wanpela pikinini na i no gat rot em i ken painim kaikai o wok garden, o painim mani.

Olgeta strong bilong lukautim meri na pikinini i stap long han bilong man. Tasol man i no gutpela. Em i no save lukautim meri na pikinini meri bilong tupela.

Meri na pikinini i sindaun hangre. Na meri i sik longpela taim tru inap long dispela de 8 Julai 1987, meri i kilim pikinini na i traim long kilim em yet.

Nesanel kot jas husat i harim dispela kot i tok, tru long taim em i tok i no gat lo long kotim na givim mekim save long ol kain marit man husat i mekim nogut long meri bilong ol inap meri i kirap kilim ol pikinini na kisim laip bilong em yet. Mama yet, husat i kilim pikinini bai lo i givim mekim save long em. Tasol rong tru i stap long man bilong meri long wanem, em yet i subim meri long mekim dispela rong.

I gat as bilong tok watpo mama i kilim i dai pikinini i hangamap yet long susu, na watpo mama i katim nek bilong em yet na long soim olsem dispela i no inap, mama i kisim sarep na katim sem bilong em yet.

Mama i mekim olsem long soim protest olsem tupela samting man bilong em i laikim tumas em i pikinini meri na samting bilong meri. Sapos em i kilim na bagarapim dispela tupela samting bai em i bekim mekim save long man bilong em.

Ol Hailans SDA redi long bikpela bung

BAI samting olsem 800 SDA bilong PNG i go stap insait long wanpela bikpela bung bilong ol SDA long Australia long pinis bilong dispela yia. I gat 100 memba olgeta bilong Westen Hailans, Enga, na Saten Hailan na ol arapela 700 bai i kam long ol arapela provins insait long PNG.

As bilong dispela bung em long givim sans long ol lain SDA long toktok na soim ol arapela sios memba

wanem samting i save kamap long ples bilong ol.

Ol yut na ol arapela manmeri husat i go long dispela bikpela bung bai i toktok na tu, bai ol i stap insait long wanem ol samting em bai kamap long displa bikpela bung.

Ol i mekim olsem long givim sans long ol yut tu long go pas long ol wok bilong sios.

Ol lain bilong PNG bai baim rot bilong ol yet long go na kam bek long PNG. Ol dispela lain bilong PNG

bai lusim kantri long mun Novemba o Desemba. Sampela bilong ol i no bin go long ol ovasis kantri bipo na em nau bai namba wan taim bilong ol.


Wanpela mama i tokim *Wantk* olsem bai namba wan taim bilong em long lusim ples na kisim bikpela balus i go long Australia olsem na em i wok long tingting planti. Tasol em i tok em i amamas tru long dispela sans long go raun long narapela kantri.



RANGOON - BURMA: Ol yangpela i mekim protes mas long biktaun bilong Burma, Rangoon long Trinde 24 Ogas. Ol i mekim ol dispela mas bilong wanem ol i laikim Demokrasi.



BELJIM Stephen Pate (namel) bilong Australia i smail i stap bihain long en i winim resis bilong ol man long ran long wilwil. Claudio Golinelli husat i kisim namba tu ples i sanap long lephan na Nabuyuki Tawara bilong Japan i winim namba tri ples. Ol i bin resis insait long bikpela resis bilong Wol Saikling Sempionsip.



MOHARRAN - INDIA: Planti lain bilong Moslem Lotu i banisim dispela bikpela pepa bilas ol i bin mekim long tingim indai bilong tumbuna pikinini bilong profet bilong ol Mohammed. Nem bilong dispela pikinini em Hussein. Dispela bung amamas i bin kamap long 24th Ogas.

Plan i helpim ol Kanak

PRAIM MINISTA bilong Frans Michel Rocard i tok olsem plen bilong em long givim independens long Nu Kaledonia bai i wanpela gutpela wok tru em nogat arapela man i ken mekim-sapos dispela plen i karim kaikai.

Rocard i bin tokaut long dispela long Frans televisen bihain long em i mekim wanpela tripela de lukluk raun i go long Nu Kaledonia.

Dispela plen em long stapim birua namel long ol Kanak (Melanesian) na ol waitman bilong Frans husat i stap long Nu kaledonia. Dispela birua i bin stap long

yet na planti pipel tru long tupela sait wantaim i bin kisim bagarap na dai long dispela.

Rocard bai i mekim las lukluk raun bilong em i go long wanpela liklik taun, Kanala. Planti pait i bin kamap long dispela taun na 28 pipel olgeta i bin dai pinis.

Planti bilong ol dispela waitman i laikim olsem Nu Kaledonia i mas stap aninit yet long Frans. Tasol Rocard i tokaut i go pinis long ol long pinisim dispela tingting. Em i askim tu ol Kanak long wok bung wantaim na mekim driman bilong ol i kamap tru long mekim Nu Kaledonia i kisim independens.

"Sapos yupela i laik was long yupela yet em i orait, nogat tok tok long dispela. Frans bai i amamas tasol long sapotim yupela long mani, edukesen, teknoloji na ol kain samting olsem", em i tok.

Rocard husat i bin kamap Praim Minista long mun Me, 1988 i bin givim bikpela helpim long kamapim gutpela sindaun namel long dispela tupela grup, bihain long ol i sainim wanpela agrimen long las wik.

Aninit long dispela agrimen, Nu Kaledonia bai i stap aninit

long Frans long wanpela yia tasol. Na 9-pela yia bihain bai ol Kanak (Melanesian) i kisim ples bilong ol waitman na stat long lukautim ol yet.

Orait long 1998. bai ol i vot long lukim sapos planti bilong ol i laikim Nu Kaledonia long kisim independens o nogat.

Long Mande, Rocard i tokaut long Nu Kaledonia olsem em bai i makim Novemba 6 we ol Kanak bai i givim vot bilong ol long lukim sapos ol i laikim Nu Kaledonia long kisim independens o stap aninit yet long Frans.



SOWETO - SAUT AFRIKA: Ol wokman bilong Kaunsil long wanpela bikpela taun bilong ol blakman bilong Saut Afrika, Soweto i autim belhevi bilong ol long wanpela protes mas. Ol i laikim Soweto Siti Kaunsil i mas apim pe bilong ol na tu Kaunsil i mas noken rausim ol long wok ol i mekim nau.



TAIPE - TAIWAN: Moa long 2,000 lain Aborijin bilong Taiwan i mas long Taipei biktaun Taiwan na askim long graun bilong ol, Ol dispela lain em ol tumbuna bilong ol lain Polinesia husat i bin go long Taiwan long taim bilong ol tumbuna



JAKARTA - INODNESIA: Wanpela man bilong Australia Ian Chapman i daunim kaikai long Jakarta. Chapman i bin drip long wara klostu long Indonesia inap long 10 pela de wanpela narapela man bilong Australia Breet Beezley, 4 pela lain bilong Amerika na 4 pela man bilong Indonesia. Long poto, Chapman i sindaun long namel na tupela man Amerika i sindaun wantaim em.



KATHMANDU - NEPAL: Ol woklain bilong Red Kross i askim long sampela mani long helpim ol lain husat i bin kisim bagarap long bikpela guria i bin kamap as bilong ol bikpela mauten Himalaya. Moa long 500 pipel i bin dai pinis long dispela birua.

Honasan strong yet long rausim Aquino

LONG Mande 29 Ogas, liklik taim wanpela rebel lida Kenel Gregorio "Gringo" Honasan wantaim ami bilong em i rausim na gavman bilong Presiden Corazon Aquino. Wanpela mausman bilong sekyuriti fos long Pilipins i tokaut long dispela.

Kenel Honasan i lukim olsem dispela em sans bilong em

long rausim Presiden Aquino bikos Presiden Aquino i laik mekim wanpela tripela de lukluk raun i go long Brunei, India long Tunde.

Tasol moa long 13,000 ami bilong Presiden Aquino i harim dispela tokwin na kwiktaim ol i putim strongpela lukaut long olgeta kona bilong kantri. Olsem na dispela plen bilong Kolonel Honasan i no karim kaikai.

Mausman bilong sekyuriti fos i tok tu olsem long wankain de long las yia (Ogas 28) Honasan wantaim 2,000 rebel ami bilong em i laik mekim wankain pasin long rausim gavman bilong Presiden Aquino.

Ol i bringim pait i go insait long ples em Presiden Aquino i save stap long en. Na tu ol i bringim pait i go insait long ol kem bilong ol ami.

Dispela taim 53 pipel

olgeta i bin dai na moa long 300 pipel i kisim bikpela bagarap.

Bihain long dispela trabel sekyuriti fos i holim pasim Honasan na kalabusim em long kalabus bilong ol ami long wanpela sip. Tasol long mun Epril em i ranawe.

Honasan husat i gat 40 krismas olgeta i tok olsem em bai i pait strong yet long daunim gavman bilong Presiden Aquino. Olsem na nau yet em i wok long rikrutim planti pipel long joinim ami bilong em.



PEKING - SAINA: Praim Minista bilong Japan Noburo Takesita na meri bilong em Naoko i amamas long lukim ol yangpela i singsing na danis taim tupela i bin go lukluk raun long Saina.



OLGETA PIPEL I LAIKIM NIUGINI TABLE BIRDS

Yu laikim famili bilong yu i kaikaim nambawan kwaliti kakaruk tasol? Maski yu praim, kukim long aven, o yu kukim long paia o yu miksim wantaim arapela kaikai --- Niugini Table Birds em nambawan kakaruk stret.



I'M KAIKAI KAKARUK FRESH FROM
Niugini Table Birds

Ol misin tisa kisim kain kain pe

Dia Edita,

Mi wanpela tisa bilong ELCPNG Komesel Trening insait long Mainyanda, Bulolo. Mi bin wok tisa aninit long Tok Ples Edukesen dipatmen inap long 13 yia olgeta. Na mi laik autim liklik wari bilong mi long wanem samting em i bin kamap we i no gutpela tumas long ai na tingting bilong mi.

Mi save wok insait long Lutheran Sios bilong Papua Niugini long helpim ol yangpela bilong dispela kantri. Nau yet, mi lukim bikpela hevi tru i stap insait long Sios. I luk olsem Sios i no lukluk moa long ol tisa i mekim wok bilong helpim ol grasrut long ples. Sios i pasim ai na i wok long mekim ol wok bilong kisim biknem tasol.

Mi lukim tu olsem Sios long Lae i laik kamap olsem wanpela bikpela fektori o kampani. Lukluk i go olsem long Voco Point long Lae, wanpela naispela rum i gat kolwin tru long en i sanap. Dispela em i rum bilong het bilong tising dipatmen long sindaun na mekim wok bilong em.

Sios i kirapim dispela wok na lusim bikpela mani tru long baim wok bilong Watkins kampani long sanapim dispela haus. Na sindaun bilong ol Ampo wokman i gutpela tru.

Na yupela i ting wanem long tingting bilong ol pipel insait long Lae husat i lukim dispela kain bikpela wok i kamap? Ol bai tok wanem? Mipela i lukim olsem ol dispela kain wok i bagarapim tasol gutnem bilong Sios.

Long wanem, Sios i no mekim stret wanpela gutpela samting long helpim ol tisa i stap

wok long helpim ol grasruts long ples.

Ol het bilong tising dipatmen long wan wan hap i mas glasim gut pe na sindaun bilong ol man long hap bilong ol. Dipatmen yet i mas skelim tu sindaun na wok bilong ol Tok Ples skul tisa long Nesenel na Distrik level.

Ol pe bilong mipela i no gutpela tumas na mipela i save mekim bikpela wok nating. Hevi bilong mipela ol Tokples skul tisa i stap olsem;

Wanpela lain tisa i save kisim K25 long wanpela wik na K50 long mun. Arapela lain i kisim K35 long wik na K70 long mun. Sampela i kisim K50 long wik na K100 long mun na arapela lain gen i kisim K70 long wik na K140 long mun.

Dispela kain ol namba i wok long givim sem tasol long mipela ol Tokples skul tisa.

Dispela kain pe i bilong wanpela wokboi bilong ol waitman. Dispela kain mak bilong mani i no bilong mipela. Mipela ol Tokples skul tisa i save mekim bikpela wok tru.

Tasol long dispela, wok mipela i mekim i bikpela long strongim gutnem bilong Sios insait long kantri. Olsem na ol lida bilong mipela long Nesenel na Distrik mak yet i mas painim sampela gutpela rot long helpim mipela tu.

Suase Van Bruggen,
ELCPNG Komesel Trening,
P.O.Box 89,
Bulolo.

Hevi bilong rot long Sepik

Dia Edita,

Mi sapotim tingting bilong Praim Minista long makim memba bilong Wosera Gawi Paul Wanjik nupela minista bilong Woks. Dispela em namba wan mun taim wanpela memba bilong Is Sepik i holim dispela wok minista.

Mipela olgeta pipel bilong Sepik i gat bikpela wari bilong rot long pela taim nau. Planti ol gutpela rot bilong mipela i bagarap na gavman bilong bipo i no stretim liklik.

Olsem mipela Sepik i amamas tru na askim Minista Wanjik long gohet na mekim gutpela minista. Mipela i laik lukim sampela senis tu i mas kamap long Sepik Haiwe. Dispela senis em kolta. Kolta i mas kirap long Pasam na go olgeta long Pagwi insait.

Bipo, Mathew Bendum i askim

Minista bilong Woks long gavman bilong Wingti putim kolta na Mista Wingti i bekim na tok, "Taim yu stap long gavman yu no laik mekim dispela wok." Olsem na Mista Wanjik nau yu stap long gavman orait yu mas putim kolta bilong dispela rot hariap.

Arapela rot em namel long Afir na kamap long Pagwi. Dispela rot i save helpim ol liklik wok bisnis. Na em i namba wan samting tru memba i mas tingim.

Mi laik ol arapela pipel long Wosera i mas sapotim mi na minita i mas putim dispela kolta.

John Wally,
Gaigorabi Viles,
Pagwi, Ambunti,
Is Sepik Provins.

Mani lus long pas

Dia Edita,

Mi bilong Simbai long Madang tasol nau mi stap long Rabaul, Is Nu Briten Provins. Na mi laik sapotim pas bilong Tapamo Umbi na Paul Agauim i bin kamap

long *Wantok Niuspepa* long 21 Julai, 1988.

Tupela kas ya i bin komplem long ol lain long pos opis i save brukim na sekim ol pas i gat mani long en. Na mani em ol i

bin salim i bin lus long pas.

Mi bin salim mani long pas i go long ples tasol dispela mani i no bin kamap long brata na ol lain bilong mi long ples. Pas nating i bin go kamap. Long namba wan taim, mi bin salim K15 long brata tasol taim em i tok em i no kisim, mi salim gen arapela K15. Na brata i bekim gen wanpela pas i kam na tok olsem em i kisim pas nating.

Nogat mani i bin stap insait long en.

Dispela kain pasin bilong brukim na sekim pas i gat mani long en i no gutpela.

Na ol toktok bilong tupela bras ya i stret olgeta. Ol lain long pos opis i mas save olsem wok insait long pos opis i wok mani bilong yupela. Na dispela i wankain long mipela ol arapela i wok long ol arapela hap.

Yumi olgeta i mas mekim stret wok long givim sevis long ol arapela kastoma bilong yumi. Wok bilong yupela i no givim yupela wanpela liklik tok orait long brukim ol pas na lukim long laik bilong yupela.

Yu husat i save mekim dispela pasin i wanpela tewel pikini stret. Olsem na mi laik askim yupela long mekim stret ol wok bilong yupela. Na maski long mekim nabaut long samting bilong arapela man.

Jacob Gamkai,
P. O. Box 73,
Kokopo,
ENBP.

Memba bilong Enga slip o?

Dia Edita,

Mi laik sapotim pas bilong Kolaioya Mangau i toktok long Paul Paken Torato i king bilong Enga. Mi laik tok olsem brata ya i bin tok stret olgeta.

Memba bilong Enga, Malipu Balakau i bin tok olsem em i Tambuaka bilong Enga.

Yu bin tokim pipel long taim bilong kempem olsem yu kisim ples bilong Okuk olsem na yu bai kisim namba tu Praim Minista. Mipela i harim ol dispela toktok na givim vot long yu na yu autim Torato. Tasol nau yu stap long sait bilong gavman.

Nau yu stap long sait bilong gavman, mipela i no harim nem bilong yu long redio o lukim long niuspepa long wanem samting yu mekim. Mipela laik lukim developmen i kam insait long Enga. Sapos nogat developmen bihain long dispela 4-pela yia bilong yu long pawa, em bai hat liklik long yu long traim gen.

Olsem na yu mas hariap liklik. Long wanem, mipela ol Enga i save olsem sapos Torato i stap yet long pawa, em bai inap long kisim sia bilong Praim Minista na tu em man bilong bringim developmen

long ol pipel bilong em.

Torato i bin soim em yet olsem wanpela trupela lida bilong United Pati na tu olsem Oposisen lida.

Mipela i laik lukim pes bilong developmen insait long dispela 4-pela yia tasol. Sapos

nogat, wasaut long narapela ileksen. Na tingim, vot bilong mi tu i bin lus nating na nau mi stap long Panguna.

Rote Pyakain
Patange,
P.O.Box 344,
Panguna, NSP.

Haus bilong olgeta pipel

Dia Edita,
Wari bilong mi em long nupela polisi bilong gavman bilong Rabbie Namaliu.

Taim mi harim dispela long redio, bel bilong mi sut stret.

Dispela polisi i tok ol bai wokim haus bilong olgeta wan wan man insait long kantri.

Na tingim, hamas ol pipel i stap insait long dispela kantri, Papua Niugini. Na dispela mani gavman i tingting long wokim haus bai no inap tru. Dispela kain toktok i no stret.

Olsem na mi tingim olsem dispela polisi i no tru. Rabbie Namaliu i stap praim minista na dispela polisi bilong em i krangi tru.

Olgeta pipel bilong Papua Niugini i mas

tingim dispela toktok bilong dispela nupela gavman.

Elajah P. K.,
Tari,
P O Box 22,
Saten Hailans.



• Rabbie Namaliu

Bia politik bagarapim yut

Dia Edita,

Mi wanpela yut memba na mi laik autim sampela toktok bilong mi i go long ol sampela yangpela man husat i save pilai politik long Wantoat eria.

Long lukluk bilong mi na ol sampela poro bilong mi, ol dispela lain i save dring bia, mekim ol kain kain tok bilas na westen stail politik long daunim wok bilong gavman bilong yumi. Long dispela kain we tu, ol i no laik bihainim ol toktok bilong ol viles, provinsal na nesenel lida.

Dispela kain pasin bilong yupela long holim botol save soim tru olsem yupela i no fit long


mekim wok olsem lida insait long komyuniti. Mipela i save gut tru long ol dispela kain pasin bilong yupela na yupela bai i no inap tru long winim wanpela samting sapos yupela i traim.

Nau tasol yupela i kamap na hariap tru yupela i laik kamap olsem ol lida long gavman. Yupela ol bia politisen tasol na yupela laik traim long soim ol rabis politik bilong yupela long ol pipel.

Na mi laik tok save long yupela olsem, dispela ol kain politik bilong yupela bai i no inap long winim wanpela samting. Wok bilong yupela em long dring bia, tok baksait na pilai rabis politik tasol.

Sapos yupela i laik kamap lida, i mobeta long yupela long senisim ol dispela kain pasin em yupela i wok long mekim nau. Daunim yupela yet na wok bung wantaim ol sios lida, yut, komyuniti na provinsal lida long kamapim gutnem na kamap tu olsem wanpela trupela lida bilong ol pipel.

Mi yet i laik mekim bikpela tok




amamas i go long memba Steven Mambon long gutpela helpim bilong em. Dispela em i namba wan taim bilong yu long stap long Palamen tasol yu mekim pinis wok long helpim Wantoat eria. Olsem na mipela i gat bilip yet long yu lapun bilong mipela.

God papa i ken blesim yu long gutpela wok bilong yu na helpim yu tu long bihaintaim.

Elia Sali,
Wantoat, Kaiapit Distrik.

YU MALOLO AH? Kirap wok gen... wantaim wanpela kap kopi tru!



- ★ Kopi tru i gat swit bilong en yet.
- ★ Em bai opim ai bilong yu wantu!
- ★ Kopi tru bilong PNG em i no dia tumas, 200 gram em kostim yu klostu K1 tasol.
- ★ Kopi tru bilong PNG i gro hia na ol i rostim hia tu, olsem na em i fres na i swit moa.
- ★ Kopi tru bilong PNG i isi long wokim!



ROT BILONG WOKIM KOPI!

1. Skelim wara inap long hamas kap kopi yu laik wokim.
2. Skelim wanpela bikpela spun kopi bilong wanwan kap i go insait long sospan wara.
3. Putim sospen long stov na larim i stap inap kopi i boil. Rausim long stov na lusim kopi bai anka long as bilong pot. Em nau kopi tru i redi.

KOPI TRU
Swit
bilong em i
nambawan!
BILONG PNG

- ★ Yu ken larim sospen i hat i stap na swit bilong kopi bai i no inap lus. Maski westim taim na wetim ketel long boil.



**PAINIM NAU
LONG OL STUA!**

HARIAP
DISCOUNTS
BIKPELA TRU

**USED CAR
 SELL OUT!**

**OLGETA KAR I STAP GUTPELA
 TASOL BILONG SALIM!**

**TOYOTA DYNA
 CARGO TRAY
 GOOD FOR TRADE STORE
 OWNER. IN GOOD
 CONDITION. RED COLOUR.**

K8,500

**ISUZU FSR PMV
 WITH PMV FRAME AND
 CANOPY. MONEY MAKER
 PRICED TO SELL.
 WHITE COLOUR.**

**K15,000
 ONLY**

**TOYOTA L/CRUISER
 PICK UP 4x4
 9 MONTHS OLD IN GOOD
 CONDITION. TEST DRIVE
 TODAY, YOU WON'T
 BELIEVE IT!**

K14,500

**MITSUBISHI TREDIA
 4 DOOR SEDAN
 WITH TINTED WINDOWS, ONE
 OWNER. READY TO DRIVE
 AWAY.**

K4,000

**ISUZU NPR-575
 CARGO TRAY, BLUE IN
 COLOUR, GOOD
 CONDITION. PRICED TO SELL.**

K10,000

**MITSUBISHI CANTER
 CARGO BODY
 CURRENT MODEL READY FOR
 WORK. THE BEST PRICE IN
 TOWN, AS NEW. GREEN
 COLOUR.**

K12,000

**NISSAN PATROL
 SWB 1979 4x4 NEW PAINT.
 LOOKS GOOD AND RUNS
 WELL.**

K3,500

**TOYOTA COASTER PMV
 25 SEATER, A REAL NICE BUS,
 READY FOR WORK. SUIT NEW
 PMV BUYER.**

K13,500

**ISUZU NKR-575
 WITH PMV FRAME, SUIT NEW
 PMV OWNER. WHITE COLOUR.**

K9,500

**ISUZU CXH 28' TRAY
 CONTAINER 'TWIST' LOCKS
 PAINTED TO FLEET COLOURS.**

K50,000



PRAIS MONI TASOL!

**NEW GUINEA
 MOTORS**

ISUZU

PORT MORESBY
 Bob Hall
 Ph 25 3644

LAE
 Mark Seabrook
 Ph 42 3477

KIETA
 Chris Swan
 Ph 95 6144

RABAUL
 Ron Gough
 Ph 92 1022


GOROKA
 Nolis Thomas
 Ph 72 1644

MT HAGEN
 Tony Ryan
 Ph 52 1152

KIMBE
 John Suttor
 Ph 93 5191





and TABUBIL
 Shiva Sinnaduray
 Ph 58 9048

GIVIM MI RICE, GIVIM MI STRONG, trukai RICE..



Bilong gutpela
helt na strong
yu mas baim
Trukai Rice!

**Em i
TRU!**



• Paulus Dinelo bilong ples Yako long Vanimo, Wes Sepik i sindaun na stretim dispela hap diwai i go kamap olsem nus bilong kanu long Taunsvil. Dispela poto bilong Ari Haba i soim dispela lapun i amamas na taitim bun i stap.



• Dispela man Tahiti i wok long sapim wanpela hap diwai.

Ol Pasifik soim ol pasin tumbuna

MOA long 10,000 manmeri i bung long Kwins Park long Townsvil, Australia long taim namba 5 Pasifik Ats Festival i bin pinis long Fonde Ogas 25. Ol 23 ailan bilong Pasifik i bin stap insait long dispela tu wik festival.

Siaman bilong dispela festival Bob Merrits i bin makim ol Aborijini na ol Torres Stret Ailan pipel bilong Australia. Em i bin mekim bikpela toktok long taim bilong pasim dispela bikpela bung. Na em i tok olsem dispela bung bilong ol Pasifik pipel em i no olsem ol arapela bung we ol pipel i resis long winim wanpela prais. Em i tok dispela bung em i bilong ol pipel bilong Pasifik long soim pasin tumbuna bilong ol.

Strongim Yet

Mista Merrit i tok ol pipel bilong Pasifik i gat ol pasin tumbuna bilong ol yet. Na ol i amamas na strongim yet ol dispela pasin bilong ol tude maski sapos i

gat planti bikpela semis tru i kamap. Insait long dispela bikpela festival, ol pipel bilong ol dispela 23 Pasifik ailan i bin soim ol singsing tumbuna, ol kaving, ol pentim, ol pasin bilong wokim ol mat, bilum, basket, na ol bilas na ol kain kain samting.

Mista Merrits i tok tu olsem planti ol samting em ol pipel i yusim i save go tasol long ol ailan. Olsem na ol pipel i mas was gut long ol dispela samting.

Raun long Solwara

Wanpela lida bilong ol lain Fiji i bin tok olsem ol pipel bilong ol Pasifik ailan em ol man bilong raun long solwara. Olsem na em i laik lukim moa stori na pasin bilong wokim kanu na ol sel na ol samting olsem i mas kamap long taim bilong Festival.

Gavman bilong Australia i bin kirapim wanpela grup ol i kolim Pasifik Art Ltd long go pas long ol wok bilong redi long namba 5 Ats Festival. Na ol lain Aborijini na ol Torres Stret Ailan i

Arnold Ake i raitim

bin go pas long dispela wok. I gat 13 memba long bot bilong Ats Festival na ol lain Aborijini na ol Torres Stret Ailan i bin holim 9-pela bilong ol dispela bikpela wok.

Namba wan Festival ov Pasifik At i bin kamap long Fiji long yia 1972. Long dispela taim ol kantri i kirapim dispela festival bikos ol i lukim olsem ol autsait lain i wok long bagarapim kalsa bilong ol.

Ol lain Maori bilong Nu Silan i bin go pas long namba tu bung long 1976. Namba tri Festival i bin kamap long PNG long 1980. Namba 4 Festival i bin kamap long Tahiti long 1984. Na bai namba 6 Ats Festival i kamap long Kuk Ailan long 1992.

I bin gat 1,800 pipel bilong ol Pasifik kantri husat i bin stap insait long dispela namba 5 Festival long Townsvil.



• Ol lain Torres Strait Ailan i redi long singsing. Bilas na singsing bilong ol i wankain olsem sampela singsing bilong Westen provins.



• Em naul Samting tru i kam stret long ples bilong san i go daun. Dispela tripela bikman bilong Wes Sepik i bilas long sel kambang na apim stret nem bilong PNG long Taunsvil. (L-R) Wegra Kenu, Paulus Dinelo na August Kripela. Poto: Ari Haba

1. Dispela tupela Maori bilong Nu Silan i wok long sapim wanpela kaving bilong ol.
2. Kraft Viles i stap arere long wara. Yu ken lukim ol lain Polinesia i wok long sapim kanu.
3. Ol dispela meri Aborijini i wok long pentim ol piksa long ol hap laplap.
4. Ol liklik skul ol manki long Townsvil i amamas tru long lukim dispela singsing grup long Wes Sepik.



• Agatha Waramin bilong Is Sepik i soim pasin bilong wokim bilum.

Be A Winner

Eat WOPA Biscuit.

Morobeen Biscuit Makers To PNG

Kimala i sutim susa bilong em

BIPO-BIPO tru long Kandep na insait long Enga provins, i gat wanpela man wantaim susa bilong em Ipaliowan i stap. Nem bilong dispela man em Kimala. Wanpela dok tu i bin stap wantaim tupela na nem bilong dispela dok em Pulyan.

Ol i save stap long bikipela bus tru we no gat wanpela man i save go na painim abus long em.

Brata Kimala wantaim susa bilong em i no save long wok gaden. Ol i save kaikaim ol abus bilong bus tasol. Olgeta de Kimala wantaim dok bilong em Pulyan i save go painim kapul long bus. Na susa Ipaliowan tasol i save stap long haus.

Painim kapul

Wanpela apinun Kimala tokim susa bilong em olsem bai i go painim sampela kapul long bus. Em i tokim Ipaliowan, "Tumora moning bai mi wantaim dok i go painim sampela kapul longwe tru. Olsem na mi laikim yu redim sampela kaikai bilong mi long karim i go long bus". Ipaliowan harim na em i stretim ol kaikai bilong brata bilong em.

Neks de Kimala i kirap long moning tru na stretim ol spia na barara. Ipaliowan i laik go wantaim em taso em i tok nogat. Kimala wanpela i kisim ol samting pinis

na wokabaut i go long bus wantaim dok bilong em.

Bikipela laik

Susa Ipaliowan i gat bikipela laik tru long go wantaim Kimala. Olsem na em i krai na bihainim brata bilong em i go bihain. Tasol Kimala i no save olsem susa bilong em i krai na bihainim em i kam bihain. Em i ting olsem susa Ipaliowan i stap long ples.

Kimala wantaim dok bilong em wokabaut i go na tudak i bungim ol long rot.

Tupela i slip aninit long wanpela bikipela diwai. Dispela nait Kimala i driman long susa bilong em. Em i driman olsem Ipaliowan i kam na wok long holim banara wantaim ol spia bilong em i stap.

Tingting planti

Long moning em kirap na tingting planti tru long dispela driman. Em ting olsem em driman tasol na em givim sikti i go yet long bus wantaim dok bilong em. Tupela wokabaut i go i go na kamap long namel bilong bikipela bus tru.

Long hia tupela i malolo na stat long mekim wanpela liklik bus. Bihain em i putim ol kaikai insait long dispela haus na stat long go painim ol kapul long bus.

Tupela painim kapul i go na i no kilim wanpela kapul liklik. Man ai bilong Kimala i ret olgeta na klostu tu i tudak. Hariap tru

tupela go bek long bus haus na kaikaim ol kaikai em susa i kukim na redim pinis long en. Na bihain tupela i slip.

Painim kapul

Long moning tupela i kirap na go painim kapul long narapela sait bilong bus gen. Dispela de tu tupela i no painim liklik wanpela kapul. Kimala i bel kaskas olgeta na kisim dok na tupela i go bek long bus haus.

Long rot Kimala i tokim dok bilong em olsem, "Mitupela wok long painim ol kapul i go tasol nogat tru. Olsem na tumora yumi i no inap kam bek gen. Bai yumi go bek long ples". Em tokim dok bilong em olsem na tupela i wokabaut isi isi i go bek long bus haus.

Taim tupela i kamap long bus haus, dok bilong em i lukim wanpela kapul na singaut nogut tru. Kimala i lukluk go antap na kalap nogut stret long lukim wanpela draipela mama bilong kapul i hangamap i stap antap long wanpela diwai.

Wanpela spia

Lewa bilong em i pas na amamas olgeta. Hariap tru em rausim wanpela spia na memeim stret dispela kapul i kam daun. Em i lap wantaim na tokim dok bilong em olsem, "Mitupela painim kapul i go tasol nogat. Na em wanpela tasol olsem na bai mitupela i kisim i go long ples na

susa Ipaliowan i mas lukim pastaim".

Em i tokim dok olsem na tupela i slip. Dispela nait Kimala i driman gen long susa bilong em. Ipaliowan i tokim Kimala long driman olsem, "Brata Kimala, yu no sori long mi na yu sutim mi long spia bilong yu. Kapul em yu bin kilim long asde i no kapul tru. Em mi tasol mi bihainim yu i kam na yu kilim mi. Na nau yu laik karim mi i go bek long ples. Tumora moning bai yu kalap nogut long lukim olsem kapul ya i no stap, mi dai pinis".

Kirap nogut

Kimala kirap nogut tru long driman na sekim kapul long nait yet. Tasol kapul ya i no stap. Hariap tru em i kirapim dok bilong em na long nait yet tupela givim sikti go bek long ples.

Man, taim tupela i kamap long ples, lewa bilong Kimala i pas olgeta bilas susa Ipaliowan i dai pinis na i stap insait long haus. Em i krai nogut tru na i no save long wanem samting em bai i mekim. Long moning em krai wantaim na planim susa bilong em.

Dispela em i wanpela trupela stori tumbuna. Na mining bilong dispela stori i go olsem. Sapos Kimala i tok tasol long susa Ipaliowan olsem em i laik go painim abus, em bai i orait. Tasol em i bin tok klia olgeta olsem em bai i go painim

kapul. Olsem na dewel bilong susa i tanim olsem kapul na bihainim em i go long bus. Na brata Kimala i no save na kilim dai susa bilong em yet.

Olsem na long hap bilong mipela long Kandep na Laiagam eria, sapos ol man i laik go panim kapul long bus, mipela i no


save tokim ol meri long haus. Mipela save hait tasol na go painim kapul long bus.

Em tasol stori bilong mi.

Panda Minapi, Aipilama Lyokati Village, Mulisos Community School, P. O. Box 68, Wabag, Enga Provins.



STORI bilong bipo bipo tru



Nait bilong ol skaut na gaid

BIKPELA Show bilong ol Gel Gaid na ol Skaut ol i kolim Gang Show i bin stat long Mosbi long Trinde 31st Ogas nait.

Dispela em i gat kai

kain pani pilai na ol singsign em ol Gaid na ol Skaut long Mosbi i autim.

Man husat i go pas long dispela so, Mista Duanne Williams i tok olsem ol lain long dis-

pela So i stat trenin long mun Jun i kam inap nau.


Em i tok olsem ol i kamapim dispela so long strongim tingting bilong ol lain skaut na gaid husat i kamap long So na tu

long mekim sampela mani long helpim wok bilong Skaut na Gaid long Mosbi.

So i bin stat long Waigani Ats Tieta aste na bai pinis long Sarere 3rd Septemba.







• Ol dispela poto i soim sampela pilai i bin kamap.






MASSEY-FERGUSON

NAMBAWAN TRAKTA LONG PNG



Massey-Ferguson i gat planti kain kain trakta. I gat liklik MF 1020 i save mekim wok insait long ol gaden na fam. Na i gat planti arapela kain trakta tu i go inap long bikpela trakta tru em MF 390. Dispela MF 390 inap pulim ol kain kain samting o tanim graun insait long fam. Em i gat 83hp ensin.

Na o dispela nupela 300 trakta i wok long planti hap insait long PNG. I gat planti ol kain kain samting long en long helpim yu long mekim wok. Yu ken kisim 2WD o 4WD. Na tu sapos yu laikim draipela trakta tru inap long 158hp yu mas kam askim mipela na mipela ken putim oda bilong yu i go long faktori.



ELA MOTORS

YU LAIK SAVE MOA LONG OL DISPELA SAMTING RINGIM OL DISPELA SAVEMAN:
 NORM KEAY PH. 229446 · TELEX NE22125 · FAX 217268 · PO BOX 75 · PORT MORESBY
 GRAHAM FLEMING PH. 421215 · 433664 · TELEX NE42432 · FAX 422463 LAE
 WAYNE VOLLMER PH. 921988 · TELEX NE92911 · FAX 921956 RABAUL

WANTOK

TOKSAVE BOKIS 252500

SALIM KA

PRAIS: K500 tasol
Ringim

NICK VELA

Don: 25 2500 Ext 205

TOKSAVE




Salvation Army i laik salim toksave i go aut long pablik olsem husat bisnis grup o kampani na ol wan wan man-meri i laik helpim na salim sampela mani i go long 1988 Salvation Army Red Shield Appeal, yu ken salim mani, sek o postol oda bilong yu i go long dispela tripela adres:

Red Shield Appeal,
P.O.Box 505,
PORT MORESBY-NCD.

Red Shield Appeal,
P.O.Box 259,
LAE-MOROBE PROVINCES.

Red Shield Appeal,
P.O.Box 365,
GOROKA-EHP.



GRANT KIAPIN

Happy 20th birthday 1/9/88.

Birthday greetings from: Casey, Chaka, Maureen and the Kiapin family all the way from Wewak. A special one from bro Michael Kipps Kiapin, Elcom Lae.

TOKSAVE



Toksave igo long ol manmeri husat emi winim Habitat Haus or emi laikim aplikesen bilong aplaim Habitat Haus i mas kam long wan-pela kibung bai i kamap insait long Laip Lain Centa long Waigani. Sande long 4th Septemba 2.00 pm long apinun.

Habitat Committee man emi laik wokim bikpela toktok long ol man na meri husat i laikim Habitat Haus.

PAINIM



NAME: Bun Yon
AGE: about 1 1/2 years.

LITTLE GIRL

Lost at Koki market on Saturday 27/08/88. Last seen wearing orange & yellow coloured dress.

If you know the whereabouts or have found her, please contact nearest Police Station or phone **Yon** on 21 4699 Ext. 376.

REWARD OFFERED

BETDE

Happy 1st Birthday to



WILLY TAU AGA

Lots and lots of love and kisses from Mummy, Cousins, Aunties, Uncles and Bubu's from Nogo and Gaire village.

Special one from Daddy who is over at Kieta, Kavoro Beach and a hot one from Rocky who is now in Sydney.

May our good Lord bless you on this very special day.

TOKSAVE



TOBA MOTORS

"Where The Price Is Right!"

TOYOTA DYNA TRUCK
Rough condition but goes only at **K599.**

MAZDA 1300 S/WAGON
Goes OK but blows a little smoke. **K990.**

DATSUN 240K COUPE
Good cheapie car only **K1995.**

GALANT AUTO
With air-conditioning, excellent condition throughout and ready for the road now with 3 months warranty. **K5995**

L300 BUS
Great people mover, would suit any family. Good value here at **K5995.**

MITSUBISHI L200 UTILITY
Freshly painted and checked out, excellent value. **K5995**

TOYOTA CORONA SEDAN
In immaculate condition throughout. Would suit new car buyer, ready for immediate delivery.
Only **K8995**

MITSUBISHI SPACE-WAGON
Very rare on Second Hand Market. Only 7,000 km and as good as a new one. Save thousands of kina on new price.
Only **K9990**

JOIN THE WINNERS, BUY A GREAT USED VEHICLE AT TOBA.

Toba Pty. Ltd. In Badili
★ Phone 21 7874 ★

TOKSAVE



AUGUST ISSUE BRINGS YOU MANY COLOURFUL POSTERS: Alopops, Rt Hon Michael Somare and the Chinese Acrobatic Youth in action.

ALSO find out about what others think of provincial governments, the skills and dangers of karate, AND of course, all your favourite regular features.

ON SALE NOW!

August 88 Vol. 10 No. 8
Port Moresby Price: 90c
Other Provinces: K1.00



Port Moresby Price — **90c**
Other Provinces — **K1.00**

CARS ★ TRUCKS ★ VANS ★



Papua Niugini Tisas Asosiesen

PABLIK NOTIS

Tok save i go long olgeta fainensel memba bilong Papua Niugini Tisa Asosiesen. Nesenel Menesmen Komiti ileksen i wok long go het nau. Olsem yu mas lukim gut ol dispela de mipela raitim pinis daunbilo.

1. Dispela program yupela lukim pinis long Niugini Nius long 11 Julai i wok long gohet nau. Nau sapos mipela i no mekim wanpela arapela tok ol dispela de i de tru long mekim ol dispela wok.

- 1.1. Taim bilong vot i stat -- 29-07-1988
- 1.2. Taim bilong vot i pas -- 02-09-1988
- 1.3. Stat long kaunim ol vot -- 03-09-1988
- 1.4. Pinis long kaunim ol vot -- 06-09-1988
- 1.5. Tokaut long ol man i win -- 07-09-1988

2. Ol pepa bilong vot wantaim wanpela skinpas i gat stem i go wantaim dispela ileksen suplimen long ol memba long olgeta hap long PNG long last wik bilong mun Julai na namba wan wik long mun Ogas. Dispela ol pepa i mas kamap pinis long olgeta memba.

Plis, yu mas makim vot pepa bilong yu olsem bai yu tokaut long husat yu laik mas kamap long Nesenel Manesmen Komiti.

2.1 Plis yu mas putim vot pepa bilong yu insait long dispela skinpas i gat stem mipela i salim pinis i kam long yu. Yu no ken brukim pepa. Yu mas salim i kam long adres mipela i raitim pinis long skinpas.

3. Yu no ken lusim tingting long raitim nem na adres bilong yu long arapela sait long skinpas. Sapos yu no raitim nem na adres bilong yu ol opisa bilong kaunim vot bai rausim vot bilong yu.

Yupela ol memba harim gut. Nau em sens bilong yu long makim ol man yu laik bai go pas long wok bilong Nesenel Menesmen Komiti. Olsem putim vot bilong yu nau tasol.

Mipela laik tok gutde long yupela olgeta memba.

KINI K PUELE,
Nesenel Jenerel Sekreteri.



PABLIK OPISA SUPAENUESEN BOT

Long dispela taim sampela man i sutim tok i kam long ol Bot Memba na Manesmen bilong Pablik Opisa Supaenuesen Bot. Ol dispela toktok ol i sutim i kam long mipela i no gat as bilong en na inap bagarapim nem bilong ol dispela man na ol memba bilong bot. Olsem mipela laik tokaut klia nau bai yupela olgeta man i ken save long wanem tok i tru na wanem tok i no tru.

P.O.S.B. (Pablik Opisa Supaenuesen Bot) i stap aninit long Dipatmen bilong Fainens inap Desemba 1983. Long de namba wan long mun Janueri 1984, P.O.S.B. i kamap olsem wanpela independen bot.

Long taim P.O.S.B. i kamap independen, ol ripot bilong mani bilong P.O.S.B. i no kamap long 4-pela yia olgeta. Long tripela yia i go pinis mipela hatwok long stretim ol ripot bilong mani bilong bot i kam inap long Desemba 31, 1986. Ol dispela ripot mipela i salim i go long Minista bilong Fainens i mas go long Palamen. Ripot bilong 1987 i redi pinis na ol kampani i save sekim ol buk bilong mipela i wok long sekim dispela ripot mipela redim pinis. Olsem yumi ken tok - mipela mekim pinis wok bilong mipela.

Ol sampela memba i laik lukim ripot bilong mani bilong P.O.S.B.. Em i gutpela. Tasol mipela i no inap opim buk na soim long ol memba inap Palamen i lukim. Tasol long bekim sampela tok mipela ken tok olsem:

Pablik Opisa Supaenuesen Fan - 1986

- 1) Pe (o mani mipela inap kisim sapos mipela salim olgeta samting bilong P.O.S.B.) bilong bot i go olgeta long 26%
- 2) Ol mani bilong bot i go antap long 16%

Difens Fos Ritaimen Benefit Fan - 1986

- 1) Pe (o mani mipela inap kisim sapos mipela salim olgeta samting bilong fan) i go antap long 17%
- 2) Ol mani mipela autim long kisim interes i go antap long 10.6%

Ritaimen Benefit Fan

1) Pe (o mani mipela inap kisim sapos mipela laik salim olgeta samting bilong fan) i go antap long 10%

2) Ol mani mipela putim long kisim interes i no go antap liklik

Difens Fos Ritaimen Benefit Fan na Retaimen Benefit Fan i no bikpela olsem P.O.S.F.

Mipela mas tok aut klia olsem i tambu tru long mipela baim ol memba long interes o sampela dividen mani aninit long lo. Retaimen Benefit Fan tasol i ken baim ol memba long sampela interes o dividen mani. Mipela wok nau long senisim lo bai mipela inap long baim ol memba long sampela interes o dividen mani. Na tu ol memba i mas save em i bikpela wok long senisim wanpela lo insait long Palamen. Olsem wok bilong mipela i no karim kaikai yet. Tasol mipela hatim wok i stap.

Wanpela samting moa em hia. P.O.S.B. husat i papa bilong ol dispela tripela fan i apim tru mani bilong ol memba. Na tu bot i stat long wok wantaim gavman long helpim ol pipel long wok didiman, kamapim faktori na painim gutpela haus. Tasol mipela mas go isi isi long dispela samting. Nogut mani bilong ol memba i go lus nating.

Ol dispela tok nogut yu lukim long niuspepa i kamap long ol man bipo i wok long bot tasol bot i pinisim ol bikos ol i no wok gut o ol i brukim ol lo bilong bot. Ol dairekta i glasim gut wok bilong bot na givim sampela nupela lo long o lwokman bai ol i no bikhet long bot. Ol dispela man husat i sutim tok i kam long mipela i wok long bagarpim gut nem bilong mipela tasol. As bilong ol dispela tok em hia; ol i jeles na kros taim mipela rausim ol long wok.

Mipela ol dairekta i pilim wok bilong bot i gutpela na ol wokman i wok long stretim ol liklik trabel i stap insait long wok. Olsem mipela laik tok olsem: yupela o memba i mas givim sans long mipela dairekta long senisim bikpela lo bilong bot bai mipela ken givim ful sevis long ol memba.

Siaman
Morea Vele


Namba Tu Siaman
John S. Carrol

Dairekta
Stanis Bai



OL SMITHS CRISP TIKET WINA BILONG LUKIM SOUTH SYDNEY vs PORT MORESBY 4H SEPTEMBER 1988 3.45PM LONG LONG LLOYD ROBSON OVAL



Table of player lists for the match, organized in columns with player names and numbers. Includes names like KRIS KLARE, JOSEPH KUPO, ALEXIUS MOLA, and others. Some numbers are missing, indicating substitutions or unrecalled players.



Amata Boksen Lae vs Rabaul



LONG Sarere nait 27 Ogas ol pipel bilong Rabaul bin lukim ol boksa bilong ol i bin traim bun wantaim ol lain bilong Lae. Dis-pela resis bilong ol lain amata boksen i bin kamap long Tai Ping klap long Rabaul.

I bin gat 5-pela resis i kamap namel long ol boksa bilong Lae na Rabaul. Lae i bin winim 3-pela na Rabaul i winim 2-pela tasol. Daunbilo em nem bilong ol boksa na ol wina.

Kaina Roven (S) 35kg	v	Alphonse Kadel (B) 30kg	won pts
Johnson John (M) 44kg	v	Jolam Kadel (B) 41kg	won pts
Temmy (Lae) 48kg	v	Felix (M) (Rab) 47kg	won pts
Tako Leslie (S) 51kg	v	Sikali Asa (L) 55kg	won
Alex Jimmy (M) 54kg	v	Ben Kadel (B) 54kg	won TKO 3rd
John Sam (Lae) 51kg	v	James Karo (L) (Rab) 49kg	
Alphonse Willie (L) 61kg	v	Robert Moris (M) 63kg	Won RSC 2
Tovin Misilun (Rab) 58kg	v	Pokakes Papi (Lae) 60kg	
(M) (Rab) 58kg	won		RTD 3rd
Robert James (M) 57kg	v	Willy Naro (L) 59kg	won pts
Ben Kelly (M) 57kg	v	George Tatsin 59kg	
Andrew Pidik (B) 60kg	v	Martin Kasi (M) 57kg	
Ezekiel Toto (M) 59kg	v	John Soba (M) 62kg	disqualified
Boas Tami (Rab) 66kg	v	Felix Pari (Lae) 66kg	won RSC 2
Tinge Meta (Lae) 63.5kg	v	Frank vola (B) (Rab) 63.5 kg	won "KO"1

1. Pokakes Papi bilong Lae (lephan) i kisim taim stret long Tovin Misilun bilong Rabaul. Misilun i bin winim dispela pait bilong tupela.

2. John Soba (B) i hatwok nating long tromoi han long Ezekiel Toto (raithan) Toto i bin winim dispela pait.

3. Robert James (M) i salensim Willy Naro (L). Tupela i strong tru long pait na Naro (raithan) i winim dispela pait long poin.

4. Alex Jimmy (M) i traim strong bilong Ben Kadel (B) tasol Kadel (raithan) i tugut na em i winim dispela pait long TKO.

Ol poto

PETER LOWENSTEIN

4-pela top tim stap klia nau

HENRY MORABANG i raitim

RESIS bilong painim top 4-pela tim bilong Mosbi soka i stap klia pinis. Ol 4-pela tim ya em Rapatona, Difens, Guria na Westpac husat bai resis long winim PMSA kap.

Sapos ol i win long dispela wik o lus, ol i gat sans yet. Tasol Rapatona i gat bikipela laik orait em i mas winim tupela gem bilong em. Dispela wik Rapatona bai bungim Sunam. Na arapela wik bihain ol bai bungim Sobou.

Ol arapela tripela tim tu i wankain. Guria tu i wankain. Resis bilong winim maina primia bai stap namel long Guria na Rapatona. Olsem na Guria i mas winim tupela gem bilong ol egens Morobe na Milen Be.

Tasol ol arapela tim nem bilong ol i no kamap long top 4-pela i taitim bun. Dispela ol tim i stat long Yuni-vestiti na kam daun. GFC husat tu i tingt-

ing long resis bilong PMSA kap i bin kisim nogut long taim Guria i daunim ol. GFC i ting long taim ol i winim Guria tupela wik i go pinis, ol i gat bikipela sans tu long resis ya.

I gat wanpeia wik i stap yet long soka sisen bilong Mosbi bai pinis. Tasol, nau yet planti ol soka sapota i klia pinis long husat tru bai kik long resis bilong kamap king bilong Mosbi soka.

Las wik, ol boi ami, (Difens) i daunim Rapatona long wanpela strongpela gem tru. Maski gren fainal bilong Mosbi ragbi leg i kamap, planti ol soka sapota tru i bin kamap na lukim dispela bikipela gem.

Long dispela wik Rapatona i laik bekim dinau. Olsem na ol wantok bilong ol, Sunam i mas lukaut. Em i taim bilong wantok i kaikaim wantok. Sunam i mas traim

kamapim strongpela banis sapos ol i laik winim dispela gem. Tim i mas painim strongpela fulbek wei ken sapatim Graham Narakou na Richard Litau.

Las wik olpela ainman bilong Yuni, Gabriel Pise i traim stail bilong em tasol em i no inap. Tasol, dispela wik em bai mas taitim bun moa long daunim ol Rapatona.

Rapatona i gat stail we i ken daunim ol arapela tim. Difens i laki tru long stapim ol dispela stail bilong Rapatona. Olsem na sapos Sunam i no kila long dispela kain stail, ol bai kisim taim yet long Rapatona.

Arapela samting bai kamap long dispela kik, tupela brata Twain Pambuai bilong Sunam bai traim strong bilong tim bilong brata bilong em Kawaten bilong Rapatona. Tupela wantaim

i kepten bilong dispela tupela tim.

Long dispela gem Rapatona bai daunim ol wantok bilong ol Sunam.

Sapos Rapatona i sutim namba wan gol bilong ol. Ol bai daunim stret Sunam. Sapos Sunam i sutim namba wan gol em Rapatona bai painim

taim tasol ol bai win yet.

Na long ol arapela gem Difens bai autim Tarangau. Westpac bai daunim Air Niugini na Wanzesi bai kisim taim long lek bilong Sobou.

Na long Sarere Guria bai painim hat liklik long ol boi Morobe Yunaited.



• Linus Kensap (Guria) hetim bal. Tim bilong em i strong na winim Yuni 3-0.

Port Moresby

DRAW FOR SATURDAY, 3RD SEPTEMBER, 1988

WEEK 13

Time	Division	Ground	Fixture
9.00	2ND	B1	Sunam v Rapatona
10.15	WOM	B1	Guria v Morobe utd
11.30	WOM	B1	Uni v Milne Bay
12.45	1ST	B1	Guria v Morobe Utd
2.00	1ST	B1	Uni v Milne Bay
4.00	PREM	B1	Guria v Morobe Utd
9.00	2ND	B2	Guria v Morobe Utd
10.15	WOM	B2	GFC v B Kumul
11.30	WOM	B2	Sunam v Rapatona
12.45	1ST	B2	GFC v B Kumul
2.00	PREM	B2	Uni v Milne Bay
4.00	PREM	B2	GFC v B Kumul
1.30	U18	Def	Sobou v Wanzesi
3.00	U18	Def	Uni v Milne Bay
4.15	U18	Def	Guria v Morobe Utd
12.00	U18	GFC	Sunam v Rapatona
1.30	U18	GFC	GFC v B Kumul
2.45	2ND	GFC	GFC v B Kumul

SUNDAY, 4TH SEPTEMBER, 1988

Time	Division	Ground	Fixture
9.00	2ND	B1	Sobou v Wanzesi
10.15	WOM	B1	Air Niugini v Westpac
11.30	1ST	B1	Sobou v Wanzesi
12.45	1ST	B1	Air Niugini v Westpac
2.00	PREM	B1	Sobou v Wanzesi
4.00	PREM	B1	Air Niugini v Westpac
9.00	2ND	B2	Tarangau v T Defence
10.15	WOM	B2	Tarangau v T Defence
11.30	1ST	B2	Sunam v Rapatona
12.45	1ST	B2	Tarangau v T Defence
2.00	PREM	B2	Sunam v Rapatona
4.00	PREM	B2	Tarangau v T Defence
3.00	U18	Def	Air Niugini v Westpac
4.15	2ND	Def	Air Niugini v Westpac
Bye:	U18	T Defence	
	WOM	Wanzesi	
	Second	Milne Bay	

Namba 24 Olimpik Gems Seoul, Saut Korea - 17 Septemba

Man husat i bin smat tru long 1896 Olimpik Gems long Athens em Robert Garrett bilong Ameriks. Em i winim Gol medal long sot-put na diska, silva medal long brod jump na i kamap namba 5 long hai jump.



Namba wan taim tru bilong Garrett i lukim wanpela diskas tru em de bipo long resis. Em i kirap nogut bikos em i save prektis long draipela samting tru em hevi bilong en inap long 20 paun.



Long fainal Garrett las man long tromoi diskas. Paraskevoulos bilong Gris i bin tromoi diskas long 94fit 11 2/3 insens na olgeta man i ting em i win pinis.

by TREVILLION - AVANI ART STUDIOS

Tasol Garrett i tromoi na diskas i go pundaun long 95 fit 73/4 insens na em i winim dispela resis.



Tude, mak bilong Garrett em inap long ol haiskul manki i winim. Long 1972 Olimpiks long Munik, Ludvik Danek i winim gol medal long taim em i tromoi diskas i go long mak bilong 211 fit 3 insens.

Stori bilong Olimpik Gems

Long yia 490BC ol Grik i bin winim pait long ples Maraton we tude i gat mak bilong tingim ol lain husat i bin dai.



Wanpela man i ran 24 mail olgeta long go toksave. Long taim em i kamap em i sotwin tru na mekim dispela hap tok, "Yumi winim pait." Na em i pundaun na dai.

Olsem na ol i putim dispela Maraton resis insait tu long Olimpik Gems. Na long dispela resis long 1896, wanpela man bilong Gris yet i winim resis.

Long taim Spyridon Louis i kamap pas long resis ya, ol manmeri i amamas na longlong nabaut. Tupela prins bilong Gris i kalap i go insait na ran wantaim em.



G a v m a n bilong Gris i amams tru long Louis na ol i givim em wanpela fam. Na ol i tok em bai kisim fri sokolet ol klos na sev inap long taim em i dai.

Man ya em Spyridon Louis wanpela wokman bilong Pos Opis. Nait bipo long reis em i no slip, em i beten long G o d i helpim em na winim resis.

WANTOK SOKA NIUS

PNG bai bungim Westen Samoa

NESENEL YUT soka tim bilong Papua Niugini i redi long bungim Westen Samoa long namba wan gem bilong Osenia Yut Soka Tonamen. Dispela tonamen bai kamap long Nesenel Sports Stadium, Suva long Fiji, Sarere apinun, 3 Septemba.

Ekseyutiv opisa bilong Fiji Futbol Asosiesen Hari Raj Naicker i tokim *Wantok* olsem PNG tim em namba wan long kamap long Fiji. Ol i bin statim namba wan trening bilong ol long Tunde moning.

Em i tok nau i namba tu taim dispela kain tonamen bilong ol yangpela i kamap. Namba wan taim tonamen i kamap long 1978, na Fiji i winim ol arapela kantri.

Mista Naicker i tok taim em i lukim olgeta boi (PNG) ol i redi na amamas tasol.

Em i tok olgeta wok redi long lukaut bilong ol boi PNG i kamap gut tru. Ol opisa bilong FFA i bin bungim PNG tim

HENRY MORABANG i raitim

long Nasori ples balus. Na nau ol i slip long Saten Kros Hotel long Suva.

Westen Samoa i bin kamap long Tunde, na Australia na Vanuatu i kamap long Trinde. Tupela arapela tim, China Taipei na Nu Silan i kamap long tude (Fonde 1 September).

Solomon em memba kantri long dispela tonamen tasol em i no redim wanpela tim bilong dispela yia.

Seketeri bilong Papua Niugini Futbol Andrew Waho i tok em i bilip tim bilong PNG bai daunim Fiji na Nu Silan.

Em i tok wanpela samting PNG i sot long en em ol pilaia i no gat intenesenel ekspirians. PNG tim i gat 4-pela pilaia tasol bilong Mosbi husat i bin go pilai ovasis pinis. Ol dispela boi i stap long Anda 16 skwat na go kik long Taipei.

Arapela samting tu PNGFA i no amamas tumas em bikpela soka senta Pot

Mosbi i no baim K200 takismani bilong 5-pela pilaia bilong em.

Mosbi i givim tasol K600 na dispela em hap mani inap long 3-pela pilaia bilong Mosbi.

Waho i tok Mosbi Asosiesen i bikpela tru na ol i mas namba wan lain long givim sapot long dispela kain ol nesenel tim.

Na long Fiji, Mista Naicker i tok wanpela bikpela samting bai bagarapim tonamen em taim. Nau i gat bikpela ren long Fiji na taim nogut. Tasol em i bilip olsem dispela ol taim nogut bai pinis long pinis bilong wik we ol i ken statim Osenia Yut Soka Tonamen.

Em i tok i gat 7-pela kantri tasol i stap long dispela tonamen. Ol bai kik long tupela pul.

Long Pul A Australia, China Taipei, na Vanuatu. na PNG i stap long Pul PNG wantaim bikpela birua bilong em Nu Silan, Fiji na Westen Samoa.

Taim bilong ol yangpela!

WANPELA gel husat i gat 10-pela kris-mas bai i pilai wantaim ol wanskul bilong em long St Peters Erima long gren fainal bilong U11 divisen bilong Mosbi soka. Pकिनini ya em May Saliau. Em i bilong Rambutso ailan long Manus provins na nau em i wanpela meri tasol i save pilai soka long ol junia tim long Mosbi.

Tupela tim bilong Erima, U11 na U 12 bai i stap insait long gren fainal bilong divisen bilong ol. Ol arapela divisen bilong ol i bin go inap long semi fainal las wiken tasol ol i bin lus.


Tupela kosa bilong U10 na U12 divisen em Brata John Amona na Brata Martin Tisivua i tok olsem tupela tim bilong Erima bai strong long kisim bek taitel em ol i bin lusim long tupela yia i go pinis. Ol U11 bai salensim tim bilong Ted Diro komyuniti skul.

Na May Saliau i tok olsem em bai i no inap long wari long ol arapela manki bikos ol meri tu i ken pilai soka olsem ol man. Em i tok tim bilong em bai strong long win long dispela via bikos Ted Diro i bin autim ol tupela yia i go pinis na nau em i taim bilong bekim dinau.

Dispela yia em i namba 10 yia nau long Erima skul i pilai soka. Dispela skul i bin kamapim ol soka sta bilong PNG olsem Steven Mune, John Tutumang, David Mune na Koale Baiding.

Antap:
• Ol yangpela U11 soka sta bilong St Peter, Erima. May Saliau i sindaun namel long olgeta manki. Na kosa bilong tim Bruder John Amona i sanap long baksait.

Daunbil:
• U12 soka tim bilong Erima wantaim kosa bilong ol, Bruder Martin Tisivua.



PORT MORESBY WOMEN'S SOFTBALL

DRAWS

1st Trial Match-Saturday 3 Sept. 1988

Group 1	Umpires	Scorers
10.30 Kabiu 1 vs Dodgers 1	N Passingan	
12.30 Manalos vs NGI 1	P Mesak	
1.30 Fuji vs Sunkaro 1	R Rita	T Raymond
3.00 Kapit vs Kemper 1	M Karo	M Yayii
4.30 Gazelle vs RLC-United	J Bampton	P Tonga

Group 2	Umpires	Scorers
10.30 Manalos vs RLC-United	A Tanti	
12.00 Chebu 1 vs Medics	A Moe	K Paivu
1.30 Mazda 2 vs B/Eagles	Wantoks	
3.00 S/Karo 2 vs Tarangau	NGI	
4.30 Wantoks vs Columbus	B/Eagles	

Group 3	Umpires	Scorers
10.30 AEI-Kapit vs Fuji 2	Elcom	
12.00 Kabiu 2 vs Elcom	Gazelle	
1.30 Gazelle 2 vs Royals 2	Kabiu	
3.00 NGI 2 vs Com. 'T' 1	Ohno	
4.30 Dodgers 2 vs Kemper 2	Com. 'T'	

Group 4	Umpires	Scorers
10.30 Malangan vs Com 'T' 2	Medics	
3.00 Royals 2 vs Chebu 2	P Naron	
4.30 DTI L'Reach vs M/H School	Kapit	

2nd. Trial Match-Sunday 4 Sept. 1988

Group 1	Umpires	Scorers
10.30 Gazelle 1 vs NGI 1	Kemper	
12.00 Wantoks 1 vs Kemper 1	NGI	
1.30 Fuji 1 vs Dodgers 1	Manalos	
3.00 S/Karo vs Manalos 1	Mazda	
4.30 Mazda vs RLC-United	Fuji	

Group 2	Umpires	Scorers
10.30 Kapit 1 vs Kabiu 1	RLC-United	
12.00 S/Karo 2 vs RLC-United	B/Eagles	
1.30 B/Eagles vs Wantoks	S/Karo	
3.00 Mazda 2 vs Columbus-L	Manalos	
4.30 Tarangau vs Manalos 2	Gazelle	

Group 3	Umpires	Scorers
10.30 Chebu 1 vs Elcom	Medics	
12.00 Medics vs Kabiu 2	Elcom	
1.30 Royals 1 vs AEI-Kapit 2	Columbus-L	
3.00 Gazelle 2 vs Fuji 2	Kapit	
4.30 NGI 2 vs Kemper 2	Royals	

Group 4	Umpires	Scorers
12.00 Com. 'T' 1 vs Dodgers 2	Ohno	
1.30 Com. 'T' 1 vs Chebu 2	Malangan	
3.00 DTI L'Reach vs Royals 2	Com. 'T'	
4.30 Malangan vs M/H School	Dodgers	

Dro bilong Osenia Yut Soka - Fiji

September 3

2.30 pm	Fiji	vs	New Zealand
3.45 pm	China Taipei	vs	Vanuatu
5.00 pm	Western Samoa	vs	PNG

September 5

4.30 pm	Australia	vs	Vanuatu
5.45 pm	New Zealand	vs	Western Samoa
7.00 pm	Fiji	vs	PNG

September 6


4.30 pm	New Zealand	vs	PNG
5.45 pm	Australia	vs	China Taipei
7.00 pm	Fiji	vs	Western Samoa

September 8

2.30 pm	Winner Pool 1	vs	Runner Up Pool 2
4.00 pm	Winner Pool 2	vs	Runner Up Pool 2

September: 10

2.00 pm	Play off 3rd and 4th place
4.00 pm	Final



- Biscuit makers to P.N.G.



Piruisim Lauk...



Black Brothers tingim ol wantok long boda kem

PATRICK MATBOB
i raitim

MUSIK

I LUK olsem ol lain Black Brothers ben bilong Wes Irian husat i stap nau long Vanuatu i no lus tingting yet long ol lain bilong ol long ol boda kem insait long PNG.

Olsem na taim ol i bin katim tupela nupela kaset, long wanpela kaset ol i bin tingim ol lain bilong ol insait long PNG. Nem bilong dispela kaset em *Black Brothers - Broder Crossers*. Na long karamap bilong en ol i bin raitim long Tok Inglis olsem: Bilong tingim ol papamama na bratasusa bilong mipela long ol boda kemp insait long PNG."

Dispela tupela nupela kaset i stap pinis insait long Papua Niugini. Wanpela nupela Rekoting studio long Madang, Tumbuna Trak i wok

long salim ol.

Nem bilong narapela kaset em *Black Brothers - Live In Solomons*.

Tasol tarangu ol lain memba bilong Black Brothers i no sindaun gut long Vanuatu. Nau ol i stap kalabus na wet long lusim Vanuatu i go painim nupela kantri we ol i ken. Bipo PNG gavman i bin rausim olsem na em i namba tu taim kain pasin olsem i kamap long ol.

Gavman bilong Vanuatu i rausim ol bilong wanem Praim Minista Pater Walter Lini i tok ol i bin sapotim narapela lida long Vanuatu, Barak Sope long traime rausim em (Lini) long gavman.

Tasol taim ol Black Brothers i stap long kalabus musik bilong ol i wok long go aut long ol pipel long Pasifik.

I gat tripela singsing

i stap insait long *Border Crossers* kaset long tingim ol lain pipel bilong Wes Irian.

Wanpela singsing em ol i kolim *Border Crossers*. Na sapos yu harim dispela singsing bai yu tingim stret wanpela olpela singsing bilong ol *Saman Doye*. Nek bilong tupela singsing i wankain tasol ol stori i narakain olgeta.

Ol Black Brothers i singsing long Tok Pisin bilong ol Vanuatu yet (Bislama) em i wankain liklik long Tok Pisin bilong yumi. Ol wod insait *Border Crosser* i go olsem; *Border Crossers, border crossers*

Ol i kolim yumi olsem border crossers Orait ol i skruim moa i go;

Freedom fighters, freedom fighters

Ol i kolim yumi olsem freedom fight-

er Na ol i yusim tu ol narakain nem em ol PNG gavman na ol narapela kantri i save givim ol olsem Trabel Makers na Refugees.

Na long korus ol Black Brothers i tok strong long ol lain bilong ol long sanap strong na pait.

Nating sapos ol i blind

No pretend olsem ol i deaf

Yumi mas sanap strong

Blong fight blong rait blong yumi

Sapos yu harim dispela singsing musik bilong em i stail tru tasol nek bilong singsing i no abrus. Em i nek tru bilong ol kain singsing bilong ol lain insait long Papua Niugini o Irian Jaya.


Tupela narapela singsing long dispela kaset em ol musik tasol. Wanpela musik ol i kolim *Sweet*

Smell of Freedom (Switpela smel bilong Fridom) na sapos yu harim dispela musik bai yu sore stret long ol dispela refuji husat i wok long pait yet long stap fri.

Musik ya bai mekim tingting bilong yu i sut stret long wanpela pisin i flai i stap long skai na i no gat wanpela banis i pasim em. Em i fri stret na amamas long raun long laik bilong en.

Narapela musik ol i kolim *Melanesian Sky*. Dispela musik i nais na i gat gutpela stail bilong guita i stap insait wantaim ol ki bot. Melanesian Sky i soim olsem ol Black Brothers i gat save tru long pilai ol kain musik tu.

Na i gat tu ol narapela singsing i stap long dispela kaset em ol pipel bai amamas long harim. Wanpela singsing em *Yu No*



Save Jensem. Na dispela em kain stail singsing ol yangpela long PNG i save laik

tru long harim na bihainim.

Ol narapela singsing em *Liklik Hop Tasol*.

Hatari - fam bilong ol wail enimal

OL manmeri husat i putim ai long lukim Sande nait muvi bilong EM TV bai lukim muvi ol i kolim *Hatari*.

Hatari em i stori bilong wanpela yaupas meri Brandy (Michelle Girardon) na wanem samting i bin kamap long em bihain long papa bilong em i dai.

Dispela stori i kamap long Tansania, Afrika. Brandy na papa bilong em i gat wanpela fam ol i kolim Momella Game Farm. Tasol enimal ol i kolim rainoseros i kilim papa bilong Brandy na em wanpela i wok long lukautim dispela bisnis bilong papa bilong em.

Long dispela taim i bin gat sampela man husat i save painim ol wel enimal i kamap na helpim em. Sean Mercer (John Wayne) i go pas long ol. Wanpela bilong ol dispela man em Kurt Stahl (Hady Kurger) husat i save resis long ka bipo. Bai yu lukim tu Indian (Bruce Cabot) na Pokets (Red Buttons) husat i bin wanpela teksti draiva long Nu Yok bipo.

Ol i stap i go na wanpela meri i kam kamap long dispela hap. Meri ya Serafina Dallesandro (Elsa Martinelli) em i save kisim potu bilong ol enimal. Sean i belhat tru long em. Tasol bihain em i gat laik long meri ya. Meri ya i ranawe na Sean i bin painim em i go na tupela i marit.

Ol man husat i ekt long dispela muvi em John Wayne, Elsa Martinelli na Red Buttons.





pes 2

1988 HIRI MOALE FESTIVAL

10 - 18 Septemba



PROGREM BILONG DISPELA FESTIVAL

Hiri Hanenamo Resis (Resis bilong makim Hiri Kwin)

Kwaia Resis

Hiri Kanu Resis

Ela Bis Ainman Resis

Ela Bis Dabol Kanu Resis

Asi Asi Resis (Asples kanu resis) Singsing

Triatholn Ela Bis (3-pela kain resis bilong ol kanu)
Resis bilong ol Ka na Trak i bilas pinis

Hiri Drama na Konset

Ol kankain spot resis bilong Komuniti-Hai Skul-Vokesenel Skul na ol Yut

String Ben Resis

Resis bilong ol Selbot

Peroveta Singsing (Sios profet singsing)

Ol man kala i pundaun long balus

Soim ol pasin tumbuna long ol kavin na basket na kain kain samting olsem


Ol lapun pilai kriket

Sapos yu laik save moa long ol dispela samting ringim man i go pas - long Hiri Moale Festival Mista I. Vele 25 3699 Ext 236/237


OL ANSA BILONG LAS WIK!!

TRAIM SAVE


1 Wanem piksa i no makim dispela i no blak long en.




2 Traim hariap na makim wanempela bilong ol dispela 9-pela piksa i makim Ferdie.



SKRUIM TOK



TRAIM SAVE




Wanpela namel long 4-pela lik lik piksa em i wanpela hap tru bilong bikpela piksa. Kolim leta bilong dispela hap.




Wanem piksa i wankain tru long blakpela piksa.

Piksa ya i haitim nem bilong 5-pela meri. Ol leta bilong nem i stap insait long wan wan hap. Bungim ol leta kamapim nem. Long hap Namba 3 nem bilong meri em Helen. H em i namba wan leta bilong HAMA-E em i namba wan leta bilong Eskimo na olsem.



LIST THEM HERE

- _____
- _____
- _____
- _____
- _____




Glasim ol dispela foapela hap hap piksa ya. Wan wan bilong ol inap fit insait long bikpela piksa daunbilo.

Namba wan hap i fit insait long dispela eria D4. Yu traim painim spes bilong ol arapela tripela hap.





LUKIM TELEVISION



THURSDAY FRIDAY SATURDAY SUNDAY MONDAY TUESDAY WED

EM-TV

THURSDAY 1ST SEPTEMBER 1988	FRIDAY 2ND SEPTEMBER 1988	SATURDAY 3RD SEPTEMBER 1988	SUNDAY 4TH SEPTEMBER 1988	MONDAY 5TH SEPTEMBER 1988	TUESDAY 6TH SEPTEMBER 1988	WEDNESDAY 7TH SEPTEMBER 1988
3.77 EMTV STATION OPEN 4.00 SESAME STREET (G) 5.00 KIDS KONA (G) 5.30 GILLIGAN'S ISLAND (G) 6.00 GOMER PYLE (G) 6.30 NATIONAL EMTV NEWS (G) 7.00 HAPPY DAYS (G) 7.30 SIX MILLION DOLLAR MAN (G) 8.30 POWER WITHOUT GLORY (PGR) 9.30 MIAMI VICE (AO) 10.30 SYDNEY RUGBY LEAGUE (G) 12.00 STATION CLOSE	3.57 STATION OPEN 4.00 SESAME STREET (G) 5.00 KIDS KONA (G) 5.30 THE JETSONS (G) 6.00 GOMER PYLE (G) 6.30 NATIONAL EMTV NEWS (G) 7.00 THE EM REPORT (G) 7.30 FAME (G) 8.30 FRIDAY NIGHT MOVIE (PGR) "The City Killer" 10.50 VFL - HIGHLIGHTS (G) 12.20 STATION CLOSE	9.00 KOMYUNTI TELEVISION STATION OPEN 9.02 "TINGIM HELT" (G) 10.00 KOMYUNTI TELEVISION STATION CLOSE 2.57 STATION OPEN 3.00 ANIMALS, ANIMALS, ANIMALS (G) 4.00 BATMAN (G) 4.30 BISNIS (G) 5.30 DANIEL BOONE (G) 6.30 EMTV NATIONAL NEWS (G) 7.00 THE INCREDIBLE HULK (PGR) 8.00 ROCKFORD FILES (PGR) 9.00 SATURDAY NITE MOVIE "Casino Royale" (PGR) 11.35 STATION CLOSE	12.00 KOMYUNTI TELEVISION STATION OPEN 12.02 "TINGIM HELT" 1.00 KOMYUNTI TELEVISION STATION CLOSE 2.57 STATION OPEN 3.00 KTV (G) 3.30 BONANZA (G) 4.30 SPORTS WORLD (G) 5.30 LITTLE HOUSE ON THE PRAIRIE (G) 6.25 THE COLGATE TOOTHBRUSH FAMILY (G) 6.30 EMTV NATIONAL NEWS (G) 7.00 GOROKA SHOW (G) 7.30 SUNDAY NIGHT MOVIE "Hatan" (PGR) 10.33 BISNIS (G) 11.33 EM REPORT (G) 12.03 STATION CLOSE	3.57 EMTV STATION OPEN 4.00 SESAME STREET (G) 5.00 KIDS KONA (G) 5.30 SKIPPY (G) 6.00 GOMER PYLE (G) 6.30 NATIONAL EMTV NEWS (G) 7.00 HAPPY DAYS (G) 7.30 BAA BAA BLACK SHEEP (PGR) 8.30 MINI SERIES (AO) 10.30 STATION CLOSE 10.31 KOMYUNTI TELEVISION STATION OPEN 10.34 TINGIM HELT (G) 11.30 KOMYUNTI TELEVISION STATION CLOSE	3.57 EMTV STATION OPEN (G) 4.00 SESAME STREET (G) 5.00 KIDS KONA (G) 5.30 FLINTSTONES (G) 6.00 GOMER PYLE (G) 6.30 NATIONAL EMTV NEWS (G) 7.00 HAPPY DAYS (G) 7.30 WILD, WILD WEST (PGR) 8.30 HART TO HART (PGR) 9.30 PNG TOMITE (G) 10.00 EMTV SPORTS SCENE - PLUS POT BLACK (G) 11.00 BUSINESS WEEK (G) 12.00 STATION CLOSE	3.57 STATION OPEN (G) 4.00 SESAME STREET (G) 5.00 KIDS KONA (G) 5.30 FLIPPER (G) 6.00 GOMER PYLE (G) 6.30 NATIONAL EMTV NEWS (G) 7.00 HAPPY DAYS (G) 7.30 HARCADISTE AND McCORMICK (PGR) 8.30 WEDNESDAY NIGHT MOVIE (AO) "FrauLain Doktor" 10.27 MEET THE PRESS (G) 10.02 STATION CLOSE

ABC

THURSDAY 8 SEPTEMBER 1988	FRIDAY 9 SEPTEMBER 1988	SATURDAY 10 SEPTEMBER 1988	SUNDAY 11 SEPTEMBER 1988	MONDAY 12 SEPTEMBER 1988	TUESDAY 13 SEPTEMBER 1988	WEDNESDAY 14 SEPTEMBER 1988
4.00 PLAY SCHOOL (G) 4.30 THE BEAR, THE TIGER AND THE OTHERS (G) 4.55 TELEBUGS (G) 5.00 MONKEY (G) 6.00 WORLD AT SIX (G) 6.30 THE OZ GAME (G) 7.00 ABC NEWS (G) 7.30 7.30 REPORT (G) 8.00 BUSH TUCKER MAN (G) 8.28 NEWS UP-DATE (G) 8.30 THE BILL (PGR) 9.20 NEWS UP-DATE (G) 9.30 KOREA - THE UNKNOWN WAR (G) 10.15 THE WORLD TONIGHT 10.45 SOCCER 11.45 CLOSE	4.00 PLAY SCHOOL (G) 4.30 THE BEAR, THE TIGER AND THE OTHERS (G) 4.55 TELEBUGS (G) 5.00 MONKEY (G) 6.00 WORLD AT SIX (G) 6.30 THE OZ GAME (G) 7.00 ABC NEWS (G) 7.30 7.30 REPORT (G) 8.00 LIFE, BE IN IT: BODYSHOW (G) 8.25 NEWS UP-DATE (G) 8.30 HANNAY (G) 9.23 NEWS UP-DATE (G) 9.30 BACK CHAT (G) 9.30 ASPEL AND CO (G) 10.15 THE WORLD TONIGHT MOVIE "Palm Beach story" Starring Claudette Colbert, Joel McCrea, Rudy Vallee and Mary Astor. 12.10 RAGE	12.00 ROCK ARENA 1.20 MOVIE MATINEE: "Little Lord Fauntleroy" Starring Freddie Bartholomew, Aubrey Smith, Guy Kibbee and Mickey Rooney. 3.00 RUGBY UNION (G) 4.45 SPORTS ARENA (G) 6.00 ABC NEWS (G) 6.30 COUNTRYWIDE (G) 7.00 THAT'S AUSTRALIA! (G) 7.30 UPSTAIRS, DOWNSTAIRS (PGR) 8.20 ABC NEWS (AO) 8.30 MOVIE "Wreath of roses" Starring Trevor Eve and Joanna McCallum. 9.50 THE SWEENEY (AO) 10.40 RAGE	12.00 COMPASS 1.00 FOUR CORNERS 1.45 RUGBY LEAGUE 5.10 MOTOR RACING 1988 6.00 ABC NEWS (G) 6.30 HOUSE RULES 7.20 BACK CHAT 7.30 A BIG COUNTRY SPECIALS (G) 8.25 ABC NEWS (G) 8.30 THE FEAR (AO) 9.20 THE FOURTH FLOOR (PGR) 10.15 RUGBY LEAGUE 1988 11.10 SUNDAY NIGHT RUGBY 12.10 CLOSE	4.00 PLAY SCHOOL (G) 4.30 THE BEAR, THE TIGER AND THE OTHERS (G) 4.55 TELEBUGS (G) 5.00 MONKEY (G) 6.00 WORLD AT SIX (G) 6.30 THE OZ GAME (G) 7.00 ABC NEWS (G) 7.30 7.30 REPORT (G) 8.00 BRUSH STROKES (G) 8.32 NEWS UP-DATE (G) 8.36 OPEN ALL HOURS (G) 9.05 FOUR CORNERS (G) 9.50 RUBBERY FIGURES (G) 10.00 WORLDS BEYOND (G) 10.25 THE WORLD TONIGHT 10.55 DON'T MISS WAX (G) 11.35 FILTHY RICH AND CATFLAP (PGR) 12.15 CLOSE	4.00 PLAY SCHOOL (G) 4.30 THE BEAR, THE TIGER AND THE OTHERS (G) 4.55 TELEBUGS (G) 5.00 MONKEY (G) 6.00 WORLD AT SIX (G) 6.30 THE OZ GAME (G) 7.00 ABC NEWS (G) 7.30 7.30 REPORT (G) 8.00 THE INVESTIGATORS (G) 8.28 NEWS UP-DATE (G) 8.30 THE FOUR MINUTE MILE 10.05 THE WORLD TONIGHT 10.35 ROCK ARENA 11.50 CLOSE	4.00 PLAY SCHOOL (G) 4.30 THE BEAR, THE TIGER AND THE OTHERS (G) 4.55 TELEBUGS (G) 5.00 MONKEY (G) 6.00 WORLD AT SIX (G) 6.30 THE OZ GAME (G) 7.00 ABC NEWS (G) 7.30 7.30 REPORT (G) 8.00 QUANTUM (G) 8.28 NEWS UP-DATE (G) 8.30 THE FOUR MINUTE MILE (G) 10.10 THE WORLD TONIGHT (G) 10.40 MADE IN AUSTRALIA 11.10 LOST EMPIRES (PGR) 12.01 CLOSE

NQ TV

THURSDAY 1ST SEPTEMBER 1988	FRIDAY 2ND SEPTEMBER 1988	SATURDAY 3RD SEPTEMBER 1988	SUNDAY 4TH SEPTEMBER 1988	MONDAY 5TH SEPTEMBER 1988	TUESDAY 6TH SEPTEMBER 1988	WEDNESDAY 7TH SEPTEMBER 1988
5.50 CARTOONS (G) 5.55 CES JOB SHOP (G) 6.00 EARLY NEWS (G) 6.30 BUSINESS TODAY (G) 7.00 TODAY (G) 9.00 HERE'S HUMPHREY (G) 9.30 AEROBICS OZ STYLE (G) 10.00 ROCKFORD FILES (PGR) 10.55 COMMUNITY BILLBOARD (G) 11.00 GENERAL HOSPITAL (PGR) 11.30 NEWS (G) 12.00 MIDDAY SHOW (PGR) 1.30 NEWS (G) 1.35 DAYS OF OUR LIVES (PGR) 2.30 RADIANT LIVING (PGR) 3.00 EDUCATION PROFILE (G) 3.30 BRAVESTARR (G) 4.00 WOMBAT (G) 4.30 CURIOSITY SHOW (G) 5.00 NEIGHBOURS (G) 5.30 REGIONAL NEWS, WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 FLYING DOCTORS (PGR) 8.28 WEATHER (G) 8.30 L.A. LAW (PGR) 9.30 DYNASTY (PGR) 10.30 NEWSWORLD (G) 11.30 SPENSER (PGR) 12.25 EPILOGUE (G) 12.30 STATION CLOSE	5.00 CARTOONS (G) 5.55 CES JOB SHOP (G) 6.00 EARLY NEWS (G) 6.30 BUSINESS TODAY (G) 7.00 TODAY (G) 9.00 HERE'S HUMPHREY (G) 9.30 AEROBICS OZ STYLE (G) 10.00 THE ROCKFORD FILES (PGR) 10.55 COMMUNITY BILLBOARD (G) 11.00 GENERAL HOSPITAL (PGR) 11.30 NEWS (G) 12.00 THE MIDDAY SHOW (PGR) 1.30 NEWS (G) 1.35 DAYS OF OUR LIVES (PGR) 2.30 KATE AND ALLIE (G) 3.00 HAPPY DAYS (G) 3.30 BRAVESTARR (G) 4.00 WOMBAT (G) 4.30 KID'S ARMY (G) 5.00 NEIGHBOURS (G) 5.30 REGIONAL NEWS, WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 CHARLES IN CHARGE (G) 7.00 SALE OF THE CENTURY (G) 7.30 NEWSWEEK (G) 8.00 NEWSWEEK (G) 8.00 CHARLES IN CHARGE (G) 8.30 MOVIE (AO) 10.30 NEWSWORLD (G) 11.30 MOVIE (PGR) 1.15 EPILOGUE (G) 12.00 CLOSE	7.00 MERRIE MELODIES (G) 7.30 HE MAN (G) 8.00 SILVERHAWKS (G) 8.30 CARE BEARS (G) 9.00 REAL GHOSTBUSTERS (G) 9.30 JEM (G) 10.00 DRUIDS (G) 10.30 ROBOTECH (G) 11.00 SKY COMMANDERS (G) 11.30 EWOKS (G) 12.00 INDOOR CRICKET (G) 1.00 WIDE WORLD OF SPORTS (G) 6.00 NATIONAL NINE NEWS (G) 6.30 HEY HEY IT'S SATURDAY (G) 8.30 WEATHER UPDATE (G) 8.33 GOLD LOTTO DRAW 8.35 SPECIAL, COUNTRY MUSIC MUSTER 9.36 MOVIE: "Policewoman centrefold" 11.25 MOVIE: CIMARRON 12.00 CLOSE	7.00 ANIMAL SECRETS (G) 7.30 SING ME A RAINBOW (G) 8.00 BUSINESS SUNDAY (G) 11.00 WIDE WORLD OF SPORTS (G) 1.00 MOVIE: DANIEL BOONE (G) 3.00 DANIEL BOONE (G) 4.00 BUCK ROGERS (G) 5.00 YOUNG TALENT TIME (G) 5.50 QUEENSLAND 2000 (G) 6.00 DISNEY (G) 7.30 SIXTY MINUTES (G) 8.28 WEATHER UPDATE (G) 8.30 MOVIE: (G) 12.00 EPILOGUE: (G)	7.00 TODAY (G) 9.00 HERE'S HUMPHREY (G) 9.30 AEROBICS OZ STYLE (G) 10.00 ROCKFORD FILES (PGR) 10.55 COMMUNITY BILLBOARD (G) 11.00 GENERAL HOSPITAL (PGR) 11.30 NEWS (G) 12.00 MIDDAY SHOW (PGR) 1.30 NEWS (G) 1.35 DAYS OF OUR LIVES (PGR) 2.30 KATE AND ALLIE (PGR) 3.00 WALKABOUT (G) 3.30 LAVERNE & SHIRLEY (G) 3.00 BRAVESTARR (G) 4.00 WOMBAT (G) 4.30 ANIMALS ANIMALS (G) 5.00 NEIGHBOURS (G) 5.30 LOCAL NEWS, WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 A COUNTRY PRACTICE (G) 8.28 WEATHER (G) 8.30 MOVIE: "Order by Innocence" (AO) Starring: Donald Sutherland, Sarah Miles. 10.30 NEWSWORLD (G) 11.30 RUGBY LEAGUE (G) 1.00 EPILOGUE (G) 1.05 CLOSE	7.00 TODAY (G) 9.00 HERE'S HUMPHREY (G) 9.30 AEROBICS OZ STYLE (G) 10.00 ROCKFORD FILES (PGR) 10.55 COMMUNITY BILLBOARD (G) 11.00 GENERAL HOSPITAL (PGR) 11.30 NEWS (G) 12.00 MIDDAY SHOW (PGR) 1.30 NEWS (G) 1.35 DAYS OF OUR LIVES (PGR) 2.30 WALKABOUT (G) 3.00 DOCUMENTARIES (G) 3.30 TWO-THIRTY LIVE (G) 4.00 HAPPY DAYS (G) 4.00 WOMBAT (G) 4.30 ANIMALS ANIMALS (G) 5.00 NEIGHBOURS (G) 5.30 REGIONAL NEWS, WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 THE COSBY SHOW (G) 8.00 A DIFFERENT WORLD (G) 8.28 WEATHER (G) 8.30 BEYOND 2000 (G) 9.30 THE EQUALIZER (AO) 10.30 NEWSWORLD (G) 11.30 HILL STREET BLUES (AO) 12.25 EPILOGUE (G) 12.30 STATION CLOSE	5.55 CES JOB SHOP (G) 6.00 EARLY NEWS (G) 6.30 BUSINESS TODAY (G) 7.00 TODAY (G) 9.00 HERE'S HUMPHREY (G) 9.30 AEROBICS OZ STYLE (G) 10.00 ROCKFORD FILES (PGR) 10.55 COMMUNITY BILLBOARD (G) 11.00 GENERAL HOSPITAL (PGR) 11.30 NEWS (G) 12.00 MIDDAY SHOW (PGR) 1.30 NEWS (G) 1.35 DAYS OF OUR LIVES (PGR) 2.30 KATE AND ALLIE (G) 3.00 HAPPY DAYS (G) 3.30 BRAVESTARR (G) 4.00 WOMBAT (G) 4.30 ANIMALS ANIMALS (G) 5.00 NEIGHBOURS (G) 5.30 REGIONAL NEWS, WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 A COUNTRY PRACTICE (G) 8.27 GOLD LOTTO DRAW (G) 8.28 WEATHER (G) 8.30 MOVIE: "Missing in Action" (PGR) Starring: Chuck Norris 10.30 NEWSWORLD (G) 11.30 HUNTER (AO) 12.25 EPILOGUE (G) 12.30 STATION CLOSE

G - General Exhibition
PGR - Parents Guidance Required
AO - Adults Only

EMTV MOVIES

ON FIRE

He has the know-how.
Can he prove he still has the power?

FRIDAY NIGHT MOVIE

A MANIACAL KILLER
A WOMAN TERRORIZED BY HIS LOVE
A CITY GRIPPED BY FEAR
A COP RUNNING OUT OF TIME

The City Killer

SUNDAY NIGHT MOVIE


The Equalizer

Ragbi Lig

NIUS

NO KEN SALIM

Issue No. 30 1st Septemba - 7 septemba



SOUTH SYDNEY EGENS MOSBI

SOUTH Sydney tim husat i save pilai long bikpela ragbi resis long Sydney bai pilai egensim wanpela tim bilong Mosbi long Sande 4th Septemba.

Dispela pilai bai kamap long Mosbi yet. Poto long lephan i soim bikpela fowat bilong Souths, Ian Roberts i brukim banis bilong Cronulla. Roberts em i wanpela pilaia husat bai pilai long Mosbi tu. Moa stori na poto long pes 2 na pes 3.

Insait

South Sydney - pes 2
Mosbi skwat - pes 3
Skoa bot - pes 4
Kimbe Lig - pes 4
Mosbi Gren-fainel - pes 6
Kavieng Lig - pes 8




24 HOURS TV AND VIDEO SERVICE NOW
AVAILABLE AT TOLEC ELECTRONICS

P. O BOX 822, LAE, MULA STREET,
PHONE: 42 4242 - 42 4253



• Kosa bilong South Sydney, George Piggins

Ol pilaia bilong Souths



MICHAEL ANDREWS

I bin stat olsem wanpela resev pilaia, asol nau em i save stap olgeta taim long A gret. Em i wanpela lok fowat.

PHIL BLAKE

Save pilai long beklain. Wanpela smatpela pilaia tru.

WAYNME CHISHOLM

Em i save pilai long beklain tu. Wanpela strongpela pilaia husat i save banisim gut eria bilong ol.

LES DAVIDSON

Em wanpela pilaia bilong Australia. Wanpela man bilong brukim ol kain kain banis ol birua i kamapim. Ol pilai bilong Mosbi mas was gut long dispela man.

BRUCE LONGBOTTOM

Fulbek. Save sanapim strongpela banis long trailain bilong Souths



GRAHAM LYONS

Namba 6. Em i save autim wankain pilai olsem brata bilong em Cliff Lyons husat save pilai A gret long Manly tim na i bin makim Nu Saut Wels tu.

MAVIN STEVE

Winga nogut bilong Souths. Em i ken pilai long ol arapela posisen long beklain tu.

MARK ELLISON

Wanpela pilaia husat i ken pilai long fowat na long beklain tu. Em i wanpela gutpela kika tu.

MAROONS DARRAN

Narapela fowat bilong Souths.

IAN ROBERTS

Em i gat 21 krismas na save pilai long fowat. Wanpela lapun kosa long Sydney Jack Gibson i tok olsem Ian em i nabawan prop fowat long Sydney.

ADAM O'NIEL

I no save isi long abrusim banis na skoim trai. Em bai skoim planti trai sapos ol lain bilong Mosbi i no stapim em.

SOUTHS



MARIO FENECH

Kepten bilong Souths. Ol i makim em pinis long pilai long tim bilong Australia i egensim Nu Selan long Wol Kap fainel. Bai kamapim gutpela pilai stret.



PAUL ROBERTS

Wanpela strongpela seken rowa husat bai poroman gut wantaim Davidson.



CRAIG COLEMAN

Man husat inap long pilai olsem hapbek bilong Australia. Bai em i traim strong bilong yangpela hapbek bilong Mosbi, Akwila Emil.

DARRYL NEVILLE

Em i save banisim gut tru eria bilong Souths. Save pilai long senta.

Strongpela resev pilaia

PLANTI pilaia na sapota long daunbilo i save apim nem bilong Paul Roberts olsem top risev pilaia bilong South Sydney husat i save stap long sailtain long helpim ol arapela pilaia sapos ol i sotwin o kisim bagarap long fil.

Na Michael Andrew husat i save kamapim gutpela pilai tru long wing i mas gat nem tu. Bikos em tu i save kamapim gutpela stail bilong pilai olsem Roberts.

Kosa bilong Souths Sydney George Piggins i save yusim Andrew long lok long brukim strongpela banis bilong ol birua. Andrew i save kamapim gutpela pilai tru.

Olsem na olgeta taim em i save putim o kamapim wanpela trai, klostu long pinis bilong pilai. Tasol Roberts tu i ken kamapim dispela kain stail bilong pilai long putim tu wan kain trai.

Long tupela namba wan Winfield Kap pilai bilong South Sydney, Andrew husat i bin stap long sailtain i go insait bihain na mekim South Sydney i winim dispela tupela pilai.

Long namba wan pilai wantaim Cronulla, Robert i brukim planti strongpela banis bilong ol birua. Olsem na ol i winim dispela pilai.

Na long namba tu pilai bilong ol wantaim Easts, Bronko Djura i bin kamapim gutpela pilai tru long ran wantaim pawa long brukim strongpela banis bilong East.

Tasol Andrew husat i bin stap long sailtain i go insait bihain na mekim South Sydney i winim dispela pilai.

"Andrew i save kamapim gutpela pilai long lok fowat. Bikos em i save putim strongpela banis tru

arere long skrum. Na dispela i gutpela tru klostu long pinis bilong pilai taim ol arapela pilaia i sotwin", Kosa Piggins i tok.

"Taim Roberts i save kamapim gutpela pilai tru long brukim banis bilong birua, Andrew gen em narapela gutpela pilaia yumi save putim long sailtain", em i tok.

Roberts i tok olsem em i laik pilai long Risev Gred. Na bihain em i fit gut bai em i strong long kisim wanpela bilong ol 13-pela posisen long A Gred.

"Yu mas mekim wanem samting kosa i tokim yu long mekim. Olsem na mi no wari tumas sapos em i putim mi long sailtain olsem wanpela risev pilaia."


"Taim yu stap long Risev Gred na bihain i go pilai long A Gred, bai yu pilai olsem ol arapela pilaia long tim. Na dispela i gutpela.

"Tasol taim yu stap long sailtain na go insait long fil olsem wanpela risev, ol arapela pilaia bai i pilai long strong bilong yu tasol.


"Ol arapela pilaia i sotwin pinis. Olsem na yu husat i go insait nau tasol long fil em ol i tingting long yu tasol long winim dispela pilai long ol. Na dispela kain pasin i kamap bikpela nau long olgeta tim", Roberts i tok.

Kosa Piggins i bilip olsem dispela kain pasin bilong yusim ol gutpela pilaia long sailtain olsem risev i gutpela. Na dispela i stap tasol long wanem kain tim em Souths bai i pilaiam.

Piggins bai yusim ol pilaia olsem Bruce Longbottom, Roberts, Andrews, Djura na Graham Lyons husat i save pilaiam wan kain stail pilai bilong Paul Shaw bilong Manly.



• Bigpela Kangaroo fowat bilong South Sydney Les Davidson i autim bal taim ol lain bilong Canterbury i laik takelim em. Davidson bai pilai long Mosbi dispela wiken.



Port Moresby

ARNOLD KREWANTY

Roket bilong ol Kumul. Sapos South Sydney i no was gut Krewanty bai abrusm ol na skoim trai.

ISAAC ROP

Narapela Kumul husat i gat nem tu long banisim gut eria bilong em.

JOE MIRISA

Fulbek. Han bilong em i olsem laim na man wantaim bal bai pas tasol.

JOHN BEN MOIDE

Wanpela strongpela pilaia long beklain.

MARK IPU.

Wanpela Kumul bipo. Save autim gutpela pilai taim em iran wantaim bal.


STANLEY HARU

5/8. Wanpela pilaia husat i save roket klostu long skram na sapos ol senta i sapatim em, i ken skoim planti trai.

JACOB IVAROA

Em i gat 19 pela krismas. Em i stap pilaia Ragbi dispela yia tasol i i gat nem pinis.


Ol pilaia bilong Mosbi



STEVE MALUM kosa



MICHAEL MATMILO



Kepten bilong Mosbi. Em i wanpela man bilong sapatim ol poroman bilong em na i bin huka bilong ol Kumul las yia na long dispela yia tu.

TOM JONES

Dispela pilaia inap long kamap olsem Mal Meninga o Kevin Iro bilong Papua Niugini sapos em i lusim tingting long pait tumas na pilai tasol. Em i wanpela gutpela kika tu na i ken kikim gol long olgeta kona bilong pilai graun.

AKUILA EMIL

Namba wan hepbek long kantri. Stail bilong em long kik na ron wantaim bal long abrusim ol birua bai kamap gutela stret.

MEA MOREA

Kumul senta. Wanpela liklik pilaia tasol em i no save wari long ol bikipela birua. Maski yu husat i kam. Bai yu pundaun tasol.

PHILLIP BOGE

Bai pilai senta o olsem winga. Em i gat gutpela stail bilong ron na sapos em i bung wantaim Morea bai ples i paia lait stret.



MASE PETER

Wanpela pilaia husat save kamapim paia long kem bilong Mosbi Hawks. Bai pilai long fowat lain. Em i ken pilai long beklain tu.

Nupela blut Jacob Ivaroa

NARAPELA yangpela pilaia husat i kamapim wanpela rekot long Mosbi em Jacob Ivaroa. Ivaroa i gat 19 krismas tasol na ol i makim em long tim husat bai pilai egensim South Sydney tim long Sande 4th Julai.

Ivaroa em i wanpela fowat long A gret tim bilong DCA. Tasol em i no bin pilai Ragbi i kam inap las yia taim em i bin wanpela studen long Yunivesiti long Mosbi. Long dispela taim em i pilai long Souths tim long wanpela ragbi resis long Yunivesiti.


Dispela yia em i go trening wantaim DCA na Kosa Tara Gau i bin amamas tru long stail bilong Ivaroa na makim em long pilai insait long sinia tim bilong em.

Bihain long dispela Ivaroa i no abrus long pilai long A gret tim bilong DCA.

Kosa bilong DCA, Gau i tok olsem Ivaroa em i wanpela man husat i save trening gut tru na save autim strongpela gem long pilai graun.

"Sapos em i autim wankain pasin long pilai bilong em wantaim tim bilong Mosbi em bai kamap wanpela top fowat", Gau i tok.

Tasol Ivaroa i bin kirap nogut taim em i bin lukim nem bilong em long niuspepa.




• Jacob Ivaroa

"Nau mi stap insait long tim bai mi autim olgeta strong bilong mi long taim bilong pilai," em i tok Tim bilong Mosbi i gat 7 pela Kumul pilaia na ol arapela i bin pilai pinis long Southern Zone tim. I gat wanpela arapela man husat i no bin pilai long Soithern Zone bipo na em Mase Peter, wanpela fowat bilong Hawks. Papa bilong Ivaroa em i bilong Galp provins na Mama bilong em i bilong Isten Hailans.



RICHARD WAGAMBIE

Sapos ol i laukim dispela pilaia i kamapim gutpela pilai em i mas pilai long senta.




GIDEON KOUORU

Lok bilong ol Kumul. Em i wanpela birua nogut bilong ol man husat i ron wantaim bal. Save skelim gut ol stail em i autim long pilai.



KES PAGLIPARI

Strongpela pilai bilong em long brukim banis bilong ol birua na tu long takelim ol i lukim em i stap long Mosbi skwat.



SAWI KAETA

Dispela man i no save tingim laip bilong em. Em inap long brukim wanem kain banis ol birua i kamapim.

Madang amamas long Presiden

BIKPELA tok amamas i bin go long presiden bilong Madang Ragbi Futbal Lig Stanley Pil na ol lain eksekutiv bilong em long gutpela wok bilong ol long taim ol i bin bosim opis.

Kosa bilong Brothers Francis Biroro i bin mekim ol dispela toktok bihain long tim bilong em i bin lus long Tigers long A Gret gren fainal pilai bilong MRL long Sande.

Biroro i tok, "Pil wantaim ol lain bilong em i bin mekim bikpela wok tru long kirapim bek tingting bilong ol pipel long ragbi long dispela tupela yia em ol i bin stap long opis. Long dispela hat wok bilong ol, dispela tupela gren fainal bilong las yia na dispela yia i bin gutpela tru. Nogat wanpela trabel i bin kamap olsem long bipo."

"Planti pipel moa i bin kamap long lukim pilai long dispela yia. Na dispela i winim tru mak bilong ol lain husat i bin kamap long lukim pilai long las yia," em i tok.

Biroro i bin givim bikpela tok amamas tu i go long Pil na ol lain bilong em long bikpela wok ol i bin mekim long banisim fil wantaim kapa olsem dispela long Mosbi.

Em i tok dispela hatwok bilong ol i bin kirapim bek wanem samting em i bin dai pinis long Madang. Na em i bin askim tu wanem man sapos i kisim ples bilong Pil o ol lain bilong em long mekim na strongim yet dispela gutpela wok Pil i statim long en.

Bikpela resis bilong Madang RL i bin pinis long las wiken taim olgeta divisen i bin holim gren fainal bilong ol. Na olgeta dispela ol pilai i bin kamap gut tru na nogat trabel long en.

Panthers i bin kamap strong tru na autim Hawks long U17, long U19, Hawks i rausim Brothers, Air Niugini i autim Brothers long Risev Gret na Tigers i sutim nus bilong Brothers 12-8 long A Gret.

Paul Mirang i bin sevim laip bilong Tigers taim em i

kisim bal na ron i go long putim wanpela kona trai.

Bihain tasol long Provinsel Yut Minista bilong Spots na Rikriesen Peter Moris i kikim bal, tupela tim wantaim i sutim nus stret long pilai.

Pilai i bin hat cru i go na Tigers i bin gat bikpela sans long wanem ol pilai wantaim win na dispela i helpim ol. Tasol Brothers i no wari na sanapim tasol wanpela strongpela banis.

I no longtaim na ren i pundaun, tasol ol pipel i no painim ples long hait. Ol i sanap na hatim nek i stap yet. Bihain long ren bal i wok long lus nabaut long han bilong ol pilai long tupela sait wantaim.

Tigers i bin brukim kiau taim Brown Sil i kisim wanpela kik na salim stret namel long tupela pos long go pas 2-0.

Tigers i lukim dispela sans na holim yet Brothers long insait long mak bilong ol. Brothers i traिम long bekim tasol ol fowat bilong ol wel pusi ya i daunim olgeta kain strong bilong ol.

Tigers i pilai strong yet i go na Andrew Dambui i slip antap gen long bal long trailain bilong Brothers. Kik bilong dispela trai i go insait na Tigers i kalap i go antap olgeta long 8-0.

Brothers i lukim dispela na i save olsem pilai i wok long ranawe isi long han bilong ol nau na ol i paia. Paul Iwal i kisim wanpela gutpela bal long poro bilong em i givim siksti stret abrusim Dambui long putim trai bilong tim bilong em long namba wan hap. Dispela trai bilong em i bringim Brothers long bihainim yet Tigers long 4-8.

Brothers i kamap gen long fil long namba tu hap na kirapim gen olupela paia bilong ol. Mak bilong Tigers i stat long kisim taim nau. Na Iwal i kalap gen i go long arapela sait long bringim Brothers i go stap antap long 8 pouns wantaim Tigers.

SKOA
BOT

Port Moresby; Grand finals:
A: Air Niugini 22 def. Defence 10
Res: Defence 24 def. Panthers 10
C: Wests 12 def. Defence 10
U19: Tarangau 12 def. Kone 6
U17: Kone 12 def. Magani 5

Kavieng; Grand final:
A: Tarakum 24 def. Snafu 22
Res: Sea Eagles 16 drew Muruks 16
U19; Sea Eagles 10 def. Snafu 6

Rabaul; Grand Finals:
A: Muruks 12 def. Sea Eagles 6
B: North Raiders 14 def. Bala 12
U19: North Raiders 16 def. Muruks 14

Kimbe; Grand finals:
A: Muruks 10 Drew Hawks 10
 (game called off 30 mins before fulltime due to heavy rain and fading light)
B: Umboli 24 def. Tarangau 10
C: United 18 def. Brothers 6

Lae; Grand finals:
A: Spiders 20 def. Panthers 8
Res: Tigers 12 def. magani 8
Jnrs: Defence 26 def. Panthers 0

Kiunga; Replay pre-finals
United 24 def. Wali Wests 12

Madang; Grand finals:
A: Tigers 12 def. Brothers 8
Res: Air Niugini def Brothers
U19: Hawks def. Brothers
U17: Panthers def. Hawks

Morobe Country; Elimination finals
A: Wests 16 def. Eels 10
Res: Wests 8 def. Eels 4f
U19: Eels 8 def. Wests 6
U17: Fireworks 4 def, Rabbits 0

Ren i stapim Kimbe gren fainal

BIKPELA A Gret gren fainal pilai bilong Kimbe i bin stap 10-pela minit tasol bihain long em i stat long namba tu hap. Referi Caspar Sama i bin stapim pilai bihain long bikpela ren i kapsait na san tu i bin go daun olgeta. Tupela sait wantaim i bin stap long 10 pouns taim Sama i pinisim pilai.

Samting olsem 7,000 pipel bilong Kimbe taun na ol ples klostu i bin resis long painim ples bilong hait taim bikpela ren i pundaun. Sama i lukim dispela na i

pinisim pilai.

KRL Judiseri Komiti i holim wanpela miting long Sande apinun yet na olgeta i pasim tok long dispela bikpela pilai long kamap gen long asde long apinun (Trinde).

Sekretri bilong KRL, Grevasious Rovi i bin tokim RLN olsem tupela arapela gret, B na C i bin pinisim gren fainal pilai bilong ol.

Long B Gret, Umboli i bin strong tru na autim Tarangau 14-12. Na United i bekim dinau na givim gutwan long Brothers 18-6 long gren fainal pilai bilong C gret. Tupela tim husat i bin win i bin kisim tropi olsem presen bilong top tim.

Long B Gret, siaman bilong KRL Judiseri Komiti, Greg Mongi i bin givim wanpela tropi i go long kepten bilong Umboli bihain long win bilong ol.

Na long C Gret, presiden bilong KRL Gerry Luru i givim arapela tropi i go long han bilong skipa bilong United.

Dispela kibung bilong Judiseri Komiti long Sande i bin pasim tok tu olsem dispela bikpela A Gret pilai bai i ron inap long 80 minits gen.

Rovi i bin tok olsem pilai bilong tupela A Gret tim wantaim long Sande i bin gutpela tru. Tupela tim i bin pilai olsem wanpela tim na

olgeta het i bin stap wantaim. Ol fowat bilong arapela i no inap tru long brukim banis long laik bilong ol.

Tasol taim i save gat liklik sans, em nau, ol sapota tu i save sanap long wanpela lek tasol long dispela taim.

"Dispela," em i tok, "i soim olsem pilai bilong Muruks na Hawks bai i no inap isi. Maski Muruks em i nupela tim, ol i gat man na pawa bilong stretim ol wari."


Kepten bilong Muruks Maniot Kaliop na skipa na Kumul 5/8 Darius Haili i bin soim stret rot bilong ol yangpela bilong tupela long bihainim.




Sunday 4th September
1988

Lloyd Robson Oval

Time	Grade	Teams	Ref	TJ
1015	U17	Kone v Saraga	P.Laka	M.Haiveta, D.Ahken
11.30	U19	Tarangau v Waigani	J.Kau	M.Kini, M.Popo
1245	Res	Defence v Saraga	J.Martin	A.Jimu, D.Ahken
1415	A	Defence v Bomana	G.Buka	M.Popo, P.Laka
1600	A	Port Moresby v SouthSydney	T.Pellis	M.Kini, W.Ainui



• Mark Ellison wanpela pilaia bilong South Sydney i autim bal long poro bilong em. Ellison bai autim stail bilong em long Mosbi long wiken.



TRADITIONALLY THE NAME
ASSOCIATED WITH PERFECTION
IN CIGARETTES
BENSON & HEDGES

Special Filter

BENSON and HEDGES

20

When only the best will do.

Air Niugini autim Defence

BIKPELA driman bilong Air Niugini long kisim sempion taitel bihain long 10-pela yia kamap tru long Sande. Air Niugini i bin strong tru long pilai bilong em egensim Defence long Sande na winim ol soldia 22-10 long gren fainel bilong Mosbi.

Dispela tu i bin namba wan taim bilong Air Niugini long winim sempionsip taitel, Pepsi Sil na K5,000 olsem prais mani. Ol boi PX i bin soim gutpela balwok, tim spirit, strong-pela difens na bekap long winim dispela gren fainel.

Na difens i no bin soim pilai olsem planti i ting ol inap long mekim. Tasol taim ol i bin traim tu, Air Niugini i bin kamap wantaim wanpela strongpela banis tru em Defence i no inap long brukim.

Kain ol man olsem Kiva Fae, Anderson Agiru, James Dom, John Keai, Kawas Miori na Palme Mond i bin kamapim gutpela pilai tru long bringim PX i go antap na bagarapim Defence.

Trena bilong Air Niugini Alex Lubanski i tok, "Ol boi PX i bin pilai olsem wanpela tim olsem na skoa yet bai i tokaut long dispela, na Air Niugini i bin kamapim tu gutpela pilai long tripela taim."

Kosa bilong PX, Adrian Genolagani i bin amamas tru long pilai bilong tripela top pikinini PX, Kepi Saea, 5/8 skipa Tony Kila na seken rowa James Dom.

Em i bin tok, "Mipela i pilai olsem wanpela tim na mipela i win na bihainim olgeta plen em mipela i bin tingting long en."

Na kosa bilong Defence Joe Yore i tok, "Air Niugini i bin soim strongpela pilai na ol i win tasol ol boi bilong mi i no bin pilai olsem mipela i laikim long en. Ol i no bin pilai olsem wanpela tim. Tasol mipela bai i traim gen long neks taim."

Long taim referi bilong pilai, Graham Ainui

i putim maus long wisil, Air Niugini i statim stret ensin bilong ol na paia i go insait long mak bilong Defence. Tasol i no longtaim na pilai i surik i kam antap gen taim Arnold Krewanty i kisim wanpela bal na go isi tru long putim trai na bringim Defence long go pas 4-0.

Air Niugini i bekim dinau taim Wata Sauna i kam insait na slip antap long trailain long holim lek bilong Defence long 4-4.


Bihain long dispela, Defence i nogat wanpela rot long kalap i go long sait bilong PX. Pilai i go strong na hat olgeta na PX i banisim gut tru ol bikpela man bilong Defence i go inap long pinis bilong namba wan hap.

Air Niugini i bin kalap i go long 6-4 taim Sauna i kisim gen wanpela kik long penalti na salim bal i go namel long tupela pos. Bihain long dispela Saea i givim gen wanpela gutpela bal tru long Wilfred Mai husat i pinisim olgeta spit bilong em i go long trailain. Dispela trai na kik i bringim PX i go antap olgeta long 12-4 long taim namba wan hap bilong pilai i pinis.

Tasol ol soldia i kamap gen long fil long namba tu hap wantaim nupela pawa. Bihain long 10 minits tasol, Defence i slekim win na salim Joel Kure long slip long trailain wantaim gutpela helpim bilong Kes Paglipari na skipa Alex Togola. Dispela trai i bringim Defence i kam stap klostu tru long PX long 10-12. Olsem na ol soldia i kirapim tas gen long olgeta kona.

Tasol i abrus, ol soldia i wok long pilai kaskas wantaim simen bilong ples balus. Sauna i surikim mak bilong Air Niugini i go antap long 16-10 long tupela arapela penalti.

Ol soldia i lukim olsem ol i no inap moa long winim pilai na taim ol i laik slek liklik, Moale Nou i givim siksti i kam na shp antap long trailain.



• (Antap) Kepten bilong Air Niugini, Tony Kila i kisim Pepsi Sil long han bilong Minista bilong Yut, Timothy Bonga bihain tim bilong em i bin autim Defence long Gren-fainel bilong Mosbi.

• (Lephan) Inspekta Mens Kei. Man husat i bin go pas long ol plisman long taim bilong gren-fainel.

**JOHNSTON'S
PHARMACIES**



BOROKO - 25 5336
PORT MORESBY - 21 4424
GEREHU - 26 0290
KOKI - 21 7318
ARAWA - 95 1304
KIETA - 95 6250
PANGUNA - 95 8028

Mipela helpim long lukautim famili bilong yu



West i pasim ol Malio

SEMPION tim bilong Morobe Country long 1986, Kifa Eels i wok long tingting nau long kisim bek taitel long dispela yia.

Wanpela man husat i no laikim RLN long autim nem bilong em i bin tok olsem Eels i bin lus las wiken long wanem ol i no bin gat inap trening long strongim bun.

"Tasol dispela em i liklik samting," dispela man i tok.

Wantaim ol kain man olsem Michael Peo, Peter Aire, Issac Tentea, Mathew Kano, Barry Onkama na Aosa Piko, Eels i bin kamapim sampela strongpela pilai tru i go inap long las minit taim Wests i winim ol.

Tupela tim wantaim long 10 points taim wel pikinini bilong Wests Mark, i kisim wanpela bal long poro bilong em i saitim ol fowat bilong Eels na resis i go slip antap long trailain. Kik bilong dispela trai i go insait na dispela i bringim Wests long go pas long 16-10 taim referi i pinisim pilai.

Kosa na pilaia bilong Eels, Joe Makosai i bin tok olsem ol i bin givim tasol dispela pilai i go long ests. Tasol em i gat bikpela bilip long bungim Wests long gren fainal.

Na long nau yet, Wests i stretim pinis olgeta wari bilong ol na sindaun malolo tasol na wetim gren fainal.

Seketeri bilong MCRL Roy Miringke i tok olsem dispela i bin wanpela strongpela na gutpela pilai tru. Tupela tim wantaim i bin kamap long fil wantaim olgeta pilaia bilong ol na ol sapota tu bin sindaun long wanpela sait tasol. Nogat wanpela i laik surik long arapela sait.

Morobe Country

FRANCIS ULIAU
i raitim

Eels i bin paia stret long namba wan hap bilong pilai taim Michael Peo i kisim wanpela bal na siksti long trailain. Kik tu i go insait long ol i go pas long 6-0.

Pilai i bin go strong tru na long pinisa bilong namba wan hap, Eels i bin stap antap yet long 6 points na Wests i nogat.

Tasol Wests i lukim olsem na kamap long fil long namba tu hap wantaim nupela pawa. Long fes 20 minits bilong namba tu hap, ol fowat bilong Wests i taitim su na flai i kam insait long mak bilong Eels. Eels i lukim dispela na kamapim ken strongpela banis tasol Wests i salim pinis wanpela boi bilong em long slip antap long trailain long brukim kiau bilong ol 4-6.

Wests i paia gen tasol Eels i bekim dinau tu na tupela i stap wantaim long 10 points. Pilai i ron olsem i go na planti i ting olsem pilai bai i pinis olsem.

Tasol abrus, Mark i kisim bal na ranawe i go stret long trailain na pinisim olgeta samting na bringim Wests i go antap long 16-10.

Long ol arapela pilai i bin kamap long wiken, Fireworks 4 i bin pawa stret na autim Rabbits 0 long U17, Eels i sutim nus bilong difens bilong Wests 8-6 long U19 na Wests i bamim bel bilong Eels long Risev Gret 8-4.

Apaio i traim Jim Jacobi prais



• Gasup Apaio

NESENEL Kepitel Lig i makim pinis representetiv pilaia bilong Sauten Zone na pilaia bilong Waigani, Dokta Gasup Apaio long makim ol long resis bilong Dokta Jim Jacobi prais olsem nambawan pilaia long kantri.

Em i bin resis wantaim tupela arapela man, husat i bin givim hat taim liklik long em long kisim namba bilong top lig pilaia.

Presiden bilong Nesenel Kepitel Lig Tau Peruka i tok olsem Dokta Apaio i rait man long kisim dispela top namba.

Apaio i save soim gutpela pilai tru long taim em i sanap long fil na taim em i stap insait long haus sik, em i save mekim tu wok bilong em.

Apaio i gat 24 krismas na bilong Isten Hailens Provins. Em i bin statim laip bilong em long pilai ragbi tupela yia i go pinis long Nesenel Kepitel Lig na em i stap yet. Na long dispela taim, em i bin stap olsem skipa bilong Nesenel Kepitel sait long taim bilong ol pilai resis bilong Sauten Zone na i bin stap insait long Sauten Zone tim tu long las yia.


Tasol em i no bin stap insait long Sauten Zone sait long dis-

pela yia. Tasol dispela i no stapim em long soim tru stail bilong em long ragbi.

Dokta Apaio bai makim NCRFL long dispela bikpela resis bilong 'Player of the Year Award.'

Na taim em ol i makim long olgeta nem kamap long PNGRFL em long Fraide 2 Septemba.

Eksekutiv opisa bilong PNGRFL Martin Adamson i tok olsem long taim bilong autim ol nem long 1 Septemba, NCRFL tasol i bin bringim nem bilong top pilaia bilong ol long opis bilong PNGRFL.



Official Sponsor Smiths Crisps

SOUTH SYDNEY (RABBITHOHS)



PORT MORESBY ALL STARS

Tickets at the gate and also now available at:-

EVERCRISP SNACK PRODUCTS PTY LTD
GABAKA STREET GORDONS
P.O. BOX 1225 BOROKO



ENQUIRIES TO JEAN CAMPBELL OR NATIONAL SALES MANAGER ON PHONE. 25 5155

Adults Grand Stand K20.00

Adults Outer Stand K4.00

Children Grand Stand K1.00

Children Outer Stand K1.00

The main game kicks off at 3.30 p.m.

4TH SEPTEMBER, 1988 - LLOYD ROBSON OVAL

Snafu i lusim Kavieng taitel

VANPELA naispela gren fainel pilai tru bin kamap long Kavieng long las wiken. Dispela bikpela pilai i bin pulim planti nan, meri na pikinini tru. Ol lain olsem ong hap bilong Namatanai tu i bin aitim longpela rot long kamap na lukim pilai.

Namba tu president bilong Kavieng Lig Patrick Kotop i no inap long mekim plani toktok tasol em i tok olsem dispela i bin gutpela wok bilong ol opisel. Ol bikman olsem primia bilong Nu Ailan Pedi Anis i bin kamap long lukim dispela pilai.

Joncom Snafu, wanpela strongpela tim husat i gat biknem long Kavieng Lig i bin painim olsem em i no inap long go moa yet na i lusim 1988 taitel long han bilong Tarakum. Tarakum i bin banisim tru mak bilong ol na autim Snafu 24-22.

Tarakum, husat i bin lus long han bilong Snafu 22-19 long gren fainel las via i bekim stret dinau long las wiken na rausim olgeta wara long maus bilong ol lain sak ya.

Tarakum, long lukluk bilong pilai, i bin stat gut tru. Ol i bin yusim gut tru ol gutpela sans em ol i kisim long bal ol lain bilong Snafu i pundaunim. Ol i bin putim tu wanpela gutpela strongpela banis tru.

Na Snafu tu i no bin pilai olsem bipo ol

LAMILLER PAWUT i rattim

i save pilai. Ol i bin traिम long yusim sampela nupela stail bilong pilai na dispela i bin mekim ol i lus.

Ol fowat bilong Snafu i no bin kamapim planti bagarap long wanem ol birua bilong ol i bin sambai long olgeta taim long daunim ol.

Snafu i bin namba wan lain bilong brukim kiau taim top senta Steven (Katu) Paska i putim wanpela trai 15 minit tasol i go insait long pilai. Tasol John Hip i no bin sarepim gut lek bilong em na bal i go ausait na ol i stap antap long 4-0.

Bihain long arapela 5 minits, skipa bilong Tarakum John Nombe i stretim ol boi bilong em gen na salim Stanley Lusan taim em i kisim bal long Ben Selam long slip antap long trailain. Martin Mova i kisim kik na bal i flai stret i go namel long tupela pos na bringim Tarakum i go pas gen 6-4.

Tarakum i kalap yet i go antap long 10-4 taim Lawrence Kamo i givim wanpela top bal long boi nogut Ben Lakur husat i siksti stret long trailain.

Tasol Snafu i lukim olsem na salim

senta Bau Waulas long namel bilong lain na brukim banis bilong Tarakum long putim wanpela gutpela trai em ol i kikim i go insait. Dispela gutpela trai na gol i bringim Snafu long go antap na stap wantaim Tarakum long 10 points.

Lusan i kirap na brukim gen stail bilong em long slip antap long trailain wantaim helpim bilong Dick Popin. Dispela trai na gol bilong em i mekim Tarakum long go pas 16-10.

Na long namba tu hap, Snafu i stretim olgeta asua bilong em na wantaim gutpela helpim bilong Selam, Hip na Benari Simon i salim Joe Huki long slip antap long trailain. Saie i kikim gol na bringim tim bilong em long stap wantaim Tarakum long 16 points.

Bihain long 20 minits insait long seken hap, Snafu i paia gen na salim Alois Nates long resis gen long trailain na gol bilong em i bringim ol pis bilong solwara ya long go antap olgeta long 22-16 points.

Tasol Tarakum i bekim dispela klostu long pinis bilong pilai taim Martin Mova i kisim bal long namel lain na salim Joe Lappan long pinsim olgeta pilai wantaim

wanpela gutpela trai na kik. Dispela i bringim tupela long 22 points taim Mova i kisim gen wanpela penalti kik na sutim tu i go insait long tupela pos na Tarakum i win.

Kosa bilong Tarakum Patrick Dau tok, "Ol manki bilong mi i bin pilai gut tru. I tru olsem ol fowat bilong mipela i nogat bikpela man, ol i pilai bihainim stret wanem samting mipela i bin pasim tingting long en. Olsem na dispela i mekim mipela i win."

Na Tarakum nau bai i bungim sempion tim bilong Kimbe long bikpela pilai bilong Cambridge Kap. Dispela bikpela resis bai kamap long Kimbe taun yet.

Ol lain husat i bin soim strongpela pilai tru long Tarakum em, Nombe, Belo, Lakur, Kamo, Lusan, Selam na Popin. Na long Snafu em Nates, Benari, Paska, Waulas na Hip.


Na long pilai bilong U19, Sea Eagles tim bilong Paul Seeto i bin kisim bek taitel taim ol i bagarapim Snafu 10-6. Skipa Kusak Reddy i bin kamapim gutpela pilai tru long win.

Na long Risev gret, Sea Eagles na Muruks i bin pat hat tasol tupela wantaim i bin dro long 16 points. Olsem na pilai bilong tupela bai i kamap gen long Sande.


COME AND SEE OUR LARGE RANGE OF CHILDREN'S SCHOOL REQUIREMENTS AND OFFICE SUPPLIES....



CASIO® WATCHES




COLLEGE fx 100A & fx 107 CALCULATORS



EXERCISE BOOKS PADS



BRIEF CASES



PENCIL SHARPENER




STAMP



GLUE




RULER



RUBBER




I.D. BADGE



COMPASS SET



CORRECTING FLUID FOR OFFICE & SCHOOL



PENS PENCILS

SPORTS TROPHIES for sale

Engraving Service Available
● Mail Orders welcome

ALU SIGNS PTY LTD
P O BOX 7081, BOROKO TEL: 25 4600
STORE NEAR BOROKO POLICE STN



GOODYEAR

The Choice of Champions



TIMBER KING
LOGGING & HAULING TRUCK TYRE



G291
UNISTEEL HIGHWAY RADIAL TRUCK TYRE


G186
UNISTEEL ON/OFF ROAD RADIAL TRUCK TYRE



HI-MILER G8
HIGHWAY TYRE



G100
G100 ON/OFF ROAD TRUCK TYRE



REBO

...NA KARIM OL I GO LONG BRISBANE HAUSIK LONG AUSTRALIA...

...MIPELA BAI PUNDALIN NAU KLOSTI LONG HAUSIK...

BRISBANE HOSPITAL

HARIAP TRU OL DOKTA KARIM OL I GO INSAIT LONG HAUSIK...

I.C.U.

...REBO I ORAIT TASOL OL MERI NA PIKININI I KISM MARASN NA OL I SILIPLONG BET...

INO LONG TAIM NA OL NIUSMAN I KAM LONG HAUSIK LONG KISM STORI BILONG REBO NA FAMILI BILONG EM...

REBO BIN KAMAUT LONG TELEVISIN NA OLGETA MAN MERI LONG AUSTRALIA LUKIM EM....

NEM BILONG MI EM REBO... MI NA FAMILI BILONG MI BIN LUS LONG SOLWARA NA OL...

...MI BIN KAM LONG AUSTRALIA LONG PILAI RAGBI WANTAIM YUPELA OL KANGAROD BIPO...

EM BIN ALTIM STORI TAIM EM BIN PILAI RAGBI LONG AUSTRALIA...

TRU A?...ATING BAI MI GO LUKIM EM NA TOKIM EM LONG PILAI WANTAIM MIPELA!!

HARIAP TRU KOSA BILONG REDCLIF I GO LUKIM REBO LONG HAUSIK...

...HALO...MI KOSA BILONG REDCLIF TIM BILONG BRISBANE... YU SAVE PILAI RAGBIA?

EM NAU!!

RED CLIF KOSA

...GUTPELA! YU LAIK KAM NA LUKIM TIM BILONG MI PRAKTIS?...

See the complete line of over-the-road truck tyres by Goodyear.

WRANGLER THE ALL PURPOSE 4WD RADIAL TYRE

GRAND PRIX 70

G800 GRAND RALLY FABRIC BELTED RADIAL

NCT

BOROKO MOTORS

- PORT MORESBY PH 25 5255
- LAE PH 42 1144
- RABAU PH 92 2777
- MT HAGEN PH 52 1433
- MADANG PH 82 2433
- TABUBIL PH 58 3311
- ARAWA MOTORS PH 95 1566
- HIGATURU MOTORS PH 29 7175

PINKI

TAIM JOHN I KAMAP LONG HAUS EM BUNGIM WANTOK I DRING I STAP...

EH WANTOKI KAM NA... (HR) YUMI DRING!!

HEY! MI GIVIM MONI LONG YU LONG GO LONG PLES!! YU G*?!?

...JOHN I BELHAT NA KAPSATIM TEBOL WANTAIM BIA KATEN...

G*?!?

YAA!

PINIKI I KAM INSAIT NA LUKIM TEBOL NA EM BELHAT....

JOHN! BILONG WANEM NA YU KAPSATIM TEBOL?.. YU ORAIT O WAIA BILONG YU I LUS!!

HIC!

..NOSAT!! WANTOK I GIAMANIM MI NA MI GIVIM K100 LONG DRING!!

PINIKI I BELHAT NOGUT TRU NA HATIM WANTOK BILONG JOHN NA RACISIM EM...

YIPELA OL LAIN BILONG JOHN SAVE GIAMAN TIMAS!! KIA LONG HAUS BILONG MI! G*!!

..ORAIT!! ORAIT!! MI GO NALI...!

EM KIRAP NA HATIM JOHN TRU...

JOHN YU TRU!!... NOKEN GIVIM MONI NATING LONG OL LAIN WANTOK BILONG YU!!

..TASOL MI TING EM TOK TRU NA MI STILIM MONI BILONG BENG NA GIVIM EM!

LONG MONING JOHN I GO WOK... TASOL BOS I SINGAUTIM EM I GO INSAIT LONG OPIS BILONG EM...

...JOHN... MIPELA BAI RACISIM KEO OLGETA FOT NAH LONG KISIM K100 BEK, OKE?

EM I ORAIT.

..O SORI!! PE BILONG MI I SOT NALI.

IGO MOA NEKS WIK!!

GOODYEAR
The Choice of Champions

CALL FOR THE BEST PRICES WITH BEST SERVICE AND HAVE A GOOD YEAR WITH GOODYEAR.

GOROKA
Ph: 72 1848
Al's Auto Repairs Pty. Ltd.

MADANG
Ph: 82 2433

LAE
Ph: 42 1144

RABAU
Ph: 92 2757
92 2777

MT HAGEN
Ph: 52 1715

POPONDETTA
Ph: 29 7175

PORT MORESBY
Ph: 25 5255


ARAWA
Ph: 95 1566
95 1516

ALOTAU
Ph: 61 1167
Milne Bay Enterprises



BOROKO MOTORS

- PORT MORESBY PH 25 5255
- LAE PH 42 1144
- RABAU PH 92 2777
- MT HAGEN PH 52 1433
- MADANG PH 82 2433
- TABUBIL PH 58 3311
- ARAWA MOTORS PH 95 1566
- HIGATURU MOTORS PH 29 7175



CB-515F

- Elegant space-saving monitor design
- Advanced electronic 8-channel soft-push tuning system

- One front mounted speaker
- Cable tuner



LAY-BY NOW!

20" Colour Television

K 3999

Backed by Service Centres Nationwide !

BURNS PHILP

Port Moresby ● Lae ● Mt. Hagen ● Goroka ● Madang

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.